

律呂新書箋義

律呂新書箋義序

有宋蔡西山先生律呂新書二卷蓋將以探創作  
之原該百王之法使樂經亡而未亡未嘗不重賴  
有是書也自黃帝使伶倫取竹於嶰谷之間生其  
竅厚均者斷兩節間而吹之以爲黃鐘之宮又制  
爲十二筩以聽鳳鳴其雄鳴爲六雌鳴亦六此誠  
作樂之本而律呂所由昉也唐虞夏商周之聖人  
蓋莫不宗焉舜之命夔典樂教冑子曰聲依永律  
和聲又曰予欲聞六律五聲八音在治忽言欲播

於聲音不可不依律也夏商之制雖不可考然傳  
曰禹聲爲律身爲度言禹以身備律而又以律察  
音也商頌之詩曰執鼓淵淵嘒嘒管聲旣和且平  
依我磬聲言黃鐘之磬設於堂上以應律而堂下  
之聲歌皆依之而不亂也周之盛時周公制禮作  
樂乃命太師掌六律六同以合陰陽之聲陽聲黃  
鐘太簇姑洗蕤賓夷則無射陰聲大呂夾鐘仲呂  
林鐘南呂應鐘皆文之以五聲被之以八音有事  
於太廟則大合樂以樂其祖考故其詩曰嚶嚶厥

聲肅雝和鳴先祖是聽我客戾止永觀厥成周道  
弛於上紀綱廢於下於是乎太史不陳詩而鄭衛  
靡曼之音日起而亂雅故孔子嘆之曰吾自衛反  
魯然後樂正雅頌各得其所孟子曰王者之迹熄  
而詩亡詩亡然後春秋作遭秦廢學經籍散亡而  
樂之爲書尤殘闕而不可考漢興北平侯張蒼始  
定律呂太史公作律書乃盡述五聲十二律之數  
三分損益上下相生之法班氏又取而廣之以爲  
漢志蓋誠有得於先王律呂之本法而其他諸史

莫及也當孝元帝時郎中京房傳故小黃令焦延  
壽六十律之學至宋元嘉中太史令錢樂之又有  
生三百六十律之法而識者以爲相生至於遲內  
卽古法六變而窮於應鐘此時八十四聲已備十  
二調已全雖復勉強相生未有用處名爲妙盡陰  
陽其實去古益遠東漢而後圍徑漸差自蔡邕有  
黃鐘管徑三分之說而孟康韋昭之徒因之雖有  
妙通音律如晉荀勗而終不能改參考古法如隋  
牛宏辛彥之諸人而皆不能覺唐聲雖備律亦非

古獨宋胡安定議樂始以爲空圍者律之口空面  
幕也圍九分者律之一圍能容九方分也以是九  
分求徑則徑當有三分三釐八毫以是九分求周  
則周當有十分六釐三毫若從徑三圍九之法則  
黃鐘之管止容九百三十六黍積止六百三十六  
分與古法之容千二百黍積八百一十分者數終  
不合則亦非律矣蓋五聲生於十二律十二律本  
於黃鐘黃鐘之圍徑中聲於是乎出度量權衡於  
是乎生故尤爲造律者之所首重如此是可以知

立法不惟其異聲和而律遂完考數必徵於徵律  
非而聲不得獨是西山先生生古人之後慨古樂  
之不可復作而又見夫歷代議樂者之不能以一  
也遂乃討論舊章折衷羣論芟其太繁撮其領要  
著書二十三篇分爲二卷上卷十三篇述法度以  
明制作之原故名之曰律呂本原下卷十篇卽取  
上篇之義而稱引先儒之說往反辨論證其是否  
故名之曰律呂證辨其論黃鐘圍徑之數則疑蔡  
邕月令章句而獨有取於胡安定之法其爲五聲

十二律相生之術則主司馬班氏而不泊於京房  
錢樂之之說由是而變而半而聲而調皆無一不  
本於古人已試之成法以自成爲一家之言後之  
聖人作樂崇德一時典修監議之臣考律定聲舍  
是書其奚自哉明永樂中命儒臣胡廣等編輯性  
理大全而是篇乃與周張諸子之書同列學宮其  
時爲之直解者則有尙書韓邦奇爲之補注者則  
有太常李文察然其書皆不傳已久不可得見選  
自蚤歲卽嘗私讀是書而心好之顧以義精詞奧



了悟無由心實感焉中遭忤疾精神靡散十有三  
年之間竊嘗偷息鑽研日月既久貫通稍多遂乃  
會萃已見立爲箋釋不敢謂有當於深義聊用表  
識其不明者至若其中雜引他說爲後儒所增每  
有錯脫爲坊本所誤者非據古而裁正則因義以  
求文

國家功成治定禮樂方作於是書或有取焉亦庶幾  
千慮之一得云

乾隆二十年乙亥七月庚辰衡山羅登選序

律呂新書原序

古樂之亡久矣然秦漢之間去周末遠其器與聲  
猶有存者故其道雖不行於當世而其爲法猶未  
有異論也迨於東漢之末以接西晉之初則已浸  
多說矣歷魏周齊隋唐五季論者愈多而法愈不  
定爰及我朝功成治定理宜有作建隆皇祐元豐  
之間蓋亦三致意焉而和胡阮李范馬劉楊諸賢  
之議終不能以相一也而況於崇宣之季姦諛之  
會黷涅之餘而能有以語夫天地之和哉丁未南

符今六十年神人之憤猶有未攄是固不遑於稽古禮文之事然學士大夫因仍簡陋遂無復以鐘律爲意者則已甚矣吾友建陽蔡君元定季通當此之時乃獨心好其說而力求之旁搜遠取巨細不捐積之累年乃若冥契著書兩卷凡若干言予嘗得而讀之愛其明白而淵深縝密而通暢不爲牽合傳會之談而橫斜曲直如珠之不出於盤其言雖多出於近世之所未講而實無一字不本於古人已試之成法蓋若黃鐘圍徑之數則漢斛之

積分可考寸以九分爲法則淮南太史小司馬之說可推五聲二變之數變律變半之例則杜氏之通典具焉變宮變徵之不得爲調則孔氏之禮疏因亦可見至於先求聲氣之元而因律以生尺則尤所謂卓然者而亦班班雜見於兩漢之制蔡邕之說與夫國朝會要以及程子張子之言顧讀者不深考其間雖或有得於此而又不能無失於彼是以晦蝕紛拏無復定論大抵不拘學於習熟見聞之近卽肆其胸臆妄爲穿穴而無所據依季通

乃能奮其獨見超然遠覽爬梳剔抉參互考尋用  
其半生之力以至於一旦豁然而融會貫通焉斯  
亦可謂勤矣及其著論則又能推原本根比次條  
理撮取機要闡究精微不爲浮詞濫說以汨亂於  
其間亦庶幾乎得書之體者予謂國家行且平定  
中原以開中天之運必將審音協律以諧神人當  
是之時受詔典領之臣能得此書而奏之則東京  
郊廟之樂將不待公孫述之瞽師而後備而參摹  
四分之書亦無待於後世之子雲而後知好之矣

抑季通之爲此書詞約理明初非難讀而讀之者  
往往未及終篇輒已欠伸思睡固無由了其歸趣  
獨以予之頑鈍不敏乃能熟復數過而僅得其指  
意之髣髴季通於是亦許予爲能知己志者故屬  
予以序引而予不得辭焉季通更欲均調節奏被  
之管絃別爲樂書以究其業而又以其餘力發揮  
武侯六十四陳之圖緒正邵氏皇極經世之數以  
大備乎一家之言其用意亦健矣予雖老病儻及  
見之則亦豈非千古之一快也哉淳熙丁未正月

朔旦新安朱熹序

集論

朱子曰蔡神與名發博學強記高簡廓落不能與世俗相俯仰因去遊四方聞見益廣遂於易象天文地理之說無所不通而皆能訂其得失杜門掃軌專以讀書教子爲事季通生十年卽教使讀西銘稍長則示以程氏語錄邵氏經世張氏正蒙而語之曰此孔孟正脉也季通承厥志學行之餘尤邃律呂討論定著遂成一家之言使千古之誤曠然一新而邇其源流皆有成法



是亦足以顯其親於無窮矣

朱子曰季通律書法度甚精近世諸儒皆莫能及  
朱子曰季通律書分明是好卻不是臆說自有按  
據

朱子曰季通理會樂律大段有心力看得許多書  
朱子曰禮記註疏說五聲六律十二管還相爲宮  
處極分明漢書所載甚詳然不得其要史記所  
載甚略卻是要緊處如說律數蓋自然之理與  
先天圖一般更無安排但數到窮處又須變而

生之卻生變律圖國語有七聲之說但韋昭解  
得無理會杜佑通典所算分數極精蓋唐以前  
樂律尙有制度可考唐以後都無可考胡安定  
與阮逸李照議不合仁宗以胡安定阮逸樂書  
令天下名山藏之意思甚好司馬公與范蜀公  
議又不合司馬比范又低諸公於通典皆似未  
曾看只如沈存中筆談所收器數甚精亦似未  
曾看筆談所論過於范馬遠甚今世人無曉音  
律只憑器論造器又紛紛如此是故季通之書

諸儒莫能及也

廖氏子晦曰河出圖洛出書而起八卦九疇之數  
聽鳳鳴而生六律六呂之序然則黃帝造律一  
事與伏羲畫八卦大禹錫九疇同功况度量權  
衡起於律而衡運生規規生圓圓生矩繩直準  
平至於定四時興六樂悉由是出故曰律者萬  
事之根本學者詎可廢而不講哉

劉文簡公燠曰先生天資高聞道早於書無所不  
讀於事無所不講明陰陽消長之運達古今盛

衰之理上稽天時下考人事文公嘗曰人讀易書難季通讀難書易又曰造化微妙惟深於理者識之吾與季通言而未嘗厭也

西山真氏曰先生嘗特召堅辭不起世謂之聘君聘君以師事文公而文公顧曰此吾老友也凡性與天道之妙他弟子不得聞者必以語季通焉異篇與傳微辭遂旨先令討究而後親折衷之先生於經無不通嘗語三子曰淵汝宜紹吾易學曰沉汝宜演吾皇極數而春秋則以屬知

方焉

黃氏瑞節曰按蔡氏祖子孫於斯文可知也而盛時遠引三世一轍朱子曰蔡神與所以教其子者不干利祿而開之以聖賢之學其志識高遠非世人所及西山先生辭聘不起九峰先生三十歲卽棄舉子業一以聖賢爲師九峰之子抗始擢進士第理宗寶祐參政云

黃氏瑞節曰律呂書蓋朱蔡師弟子相與成之者朱子與西山書云但用古言古語或註疏而以

已意附其下方甚簡約而極周盡學者一覽可得梗槩其他推說之泛濫旁正之異同不盡載也

附八音考略

金音

鍾 鍾 鍾 周禮爾雅作  
鍾 鍾 鍾 同 今俱作鍾

文獻通考陳氏曰金生於土而別於土其卦則兌其方則西其時則秋其風闐闐其聲尚羽其音則鐸立秋之氣先王作樂用之以爲金奏焉周官鐘師掌金奏鐸師掌金奏之鼓鼓人掌四金之聲音孟子曰金聲是也金奏之樂未嘗不用鼓特謂之金者以金爲主故也禮曰內金示和也又曰入門而金作示情也國語曰金奏肆

夏莊子曰金石有聲不考不鳴則奏金而鳴之

內以示情外以示和也音之實也

周禮鳧氏爲鐘兩樂謂之銑

註曰銑鐘口兩角疏曰古應律之鐘

狀如今之鈴不圓故有兩角

銑間謂之于于上謂之鼓鼓上

謂之鉦鉦上謂之舞

註曰此四名者鐘體也于鐘脊之上祛也鼓所擊處

疏曰以于爲祛者以鐘脊厚如褰祛然故謂之祛選按于謂自兩角以下之卷曲外出者祛袖口褰祛者謂此鐘之脊有似袖口之卷向外也舞上謂之甬甬上謂之

衡

註曰此二名者鐘柄也

縣鐘謂之旋旋蟲謂之幹

註曰旋屬

鐘柄所以縣之也旋蟲者旋以蟲爲飾也今時旋上有蹲熊盤龍辟邪

鐘帶謂之



篆篆間謂之枚枚謂之景

註曰帶所以介其名也帶在于鼓鉦舞甬

衡之間凡四枚鐘乳也今時鐘乳夾鼓與舞每處有九面三十六疏曰介間也一帶有九乳鐘

有兩面面皆三十六也

于上之攆謂之隧

註曰據所擊之處攆弊也隧在

鼓中窒而生光有似夫隧

十分其鉦去二以爲鉦以其鉦爲

之鉦間去二分以爲之鼓間以其鼓間爲之舞

脩去二分以爲鼓廣

註曰此言鉦之徑居鉦徑之八而鉦間與鉦之徑相

應鼓間又居鉦徑之六與舞修相應舞修舞徑舞上下促以橫爲修從爲廣舞廣四分今亦去

徑之二分以爲之間則舞間之方恒居鉦之四也舞間方四則鼓間六亦其方也鼓六鉦六舞

四此鐘口十者其長十六也鐘之大數以律爲度廣長與圍徑假設之耳凡言間者亦爲從篆

以介之鉦間亦當六今時鐘或無鉦間疏曰假如黃鐘之律長九寸以律計身倍半爲鐘倍九寸爲尺八寸又取半得四寸半通二尺二寸半以爲鐘餘律亦如是是以律爲廣長與圍徑也此口徑十上下十六者皆假設之取其鑄之形耳選按十分其銑去二以爲鉦者銑謂銑徑與銑間不同鉦謂鉦徑與鉦間不同謂如黃鐘之鐘通計二尺二寸半此銑徑也去二以爲鉦是鉦當徑一尺八寸也以其鉦爲之銑間是銑間之方亦一尺八寸也去二以爲鼓間是鼓間之方一尺三寸五分也以其鼓間爲之舞修是舞亦徑一尺三寸五分也去二分以爲舞廣是舞間之方九寸也徑者謂從鐘空徑過爲鐘體橫寬之數間者謂從下至上乃鐘體直長之數鼓間六方一尺三寸五分鉦間六亦方一尺三寸五分舞間四方九寸合計三尺六寸以爲鐘之長卽以鐘口二尺二寸半而十分加六之數也鄭註所謂鐘口十其長十六者以此餘鐘倣此

又古者鐘既有兩角則自兩角橫界以下疑卽  
銑間而爲于也兩角以上乃鐘長所由起也于  
上謂之鼓鼓上謂之鉦鉦上謂之舞鼓六鉦六  
舞四合之得十六故鄭氏以爲此鐘長十六也  
若從銑間計之則其長當二十有四矣今鄭云  
其長十六故知此鐘從兩角以上起數蓋鄭之  
時去古未遠其制度當未盡變今時鐘圓  
不樂無銑間可識竊依鄭說推之如此 以其

鉦之長爲之甬長

註曰并銑數也

以其甬長爲之圍參

分其圍去一以爲衡圍

註曰衡居甬上又小疏曰自兩樂已上至甬皆

下寬上狹衡又在甬上故宜小於甬一分故三分去一爲衡圍也選按從上至下爲長鉦長卽鄭註鉦間謂如黃鐘之鐘鉦間六是鉦當長一尺三寸五分也以其鉦之長爲之甬長是甬并衡亦長一尺三寸五分也以其甬長爲之圍是甬之圍如其長也三分去一以爲衡圍是衡當

圍九寸也自甬至衡皆以次漸小旋當甬中央上下各一分則自中央上一分之長恒與下一分相等其上所多於下之數即有帶以介之而為衡也甬圍其下最大者衡圍其上最小者甬近鐘體如涌起之狀故名甬衡當鐘柄盡處上如平圍故謂之衡

參分其甬長

二在上一在下以設其旋

註曰令衡居一分則三分旋亦二在上一

在下以旋當甬之中央是其正疏曰假令三分甬居二衡居一一則於甬中央下有一分上通衡有二分故云令衡居一分則參分旋亦二在上一下在下以旋當甬之中央是其正正謂上有二分下一分也選按如前甬數并衡既長一尺三寸五分二在上謂上當有九寸也一在下謂下當有四寸五分也

厚薄之所震動清濁之所由出侈

弇之所由興有說

註曰說猶意也

鐘已厚則石

註曰大厚則聲

不發已薄則播註曰大薄侈則柞註曰柞讀為咋

外也弁則鬱註曰聲不舒揚長甬則震註曰鐘掉則聲不正疏曰甬長縣之

不得所則鐘掉故聲不正也是故大鐘十分其鼓間以其一

為之厚小鐘十分其鉦間以其一為之厚註曰言若

此則不石不播也選按鼓間鉦間雖同為方六然大鐘之鼓間鉦間恒大小鐘之鼓間鉦間恒

小如黃鐘之鐘通計二尺二寸半鼓間六方一尺三寸五分十分其鼓間以其一為之厚則其

鐘當厚一寸三分半也若林鐘之鐘通計一尺五寸鉦間六方九寸十分其鉦間以其一為之

厚則其鐘當厚九分也是大小鐘之鼓間鉦大鉦間其方六雖同而其相應之尺寸不同鐘大

而短則其聲疾而短聞註曰淺則躁鐘小而長

則其聲舒而遠聞

註曰深則安難息

為遂六分其厚以

其一為之深而圓之

註曰厚鐘厚深謂室之也其室圓故書圓或作圓疏

曰此遂謂所擊之處初鑄作之時即已深而圓之以擬擊也選按為遂之法謂如黃鐘之鐘厚一寸三分半六分其厚取一則其遂當深二分釐五毫若林鐘之鐘厚九分六分其厚取一則其遂當深一分五釐

爾雅曰大鐘謂之鑪

註曰書曰笙鑪以間亦名鑪

其中謂之

剽小者謂之棧

疏曰此別鐘大小之名也世本云垂作鐘考工記鳧氏為鐘鐘

空也內空受氣多其大者名鑪大鐘音聲大鑪大也又名鑪大射禮云樂人宿縣於阼階東笙磬西面其南笙鐘其南鑪鄭云鑪如鐘而大是也其不大不小者名剽剽者聲輕疾也其小者

名棧棧淺也東晉永興元年會稽剡縣人家井中得一鐘長三寸口徑四寸上有銘古文云棧鐘之小者既長三寸自然淺也

選按先王度律均聲莫先於鐘故既以管爲十二律又制爲十二鐘蓋以一鐘準一律十二鐘準十二律也各因十二律之長以爲十與十六則十二鐘之長廣可得而起矣由是而鐘之大者爲特縣鐘之小者爲編縣其爲十與十六之法如之或加四清而爲十六或加十二清而爲二十四其爲十與十六之法亦如之蓋先王所

用金奏非一然其有法度可考者莫如鳧氏之  
鐘故特述以見制器之髣髴云至於爾雅之棧  
長不及徑其法又異於鳧氏所爲今不可考已

石音

磬

文獻通考陳氏曰石之爲物堅實而不動其卦  
則乾其時則秋冬之交其方則西北之維其風  
不周其聲尙角其音則辨立冬之氣也先王作  
樂擊之以爲磬之屬焉蓋金石之樂其聲未嘗  
不相應莊子曰金石有聲不考不鳴國語曰金



石以動之唐李真以車鐸而得徵音之石則其相應可知三代之樂既壞於秦漢漢至成帝尙未有金石之樂及晉武帝破符堅之後而四廂金石始備焉後世復以泗濱石其聲下而不和而以華原所出者易之信乎審一以定和難哉

周禮磬氏爲磬倨句一矩有半

註曰必先度一矩爲句一矩爲

股而求其弦既而以一矩有半觸其弦則磬之倨句也俞氏曰凡磬上曲者爲句下直者爲倨句卽股也倨卽鼓也股在上廣而短鼓在下狹而長以長掩短則鼓長於股者半矩是倨得一矩有半也以廣掩狹則股廣於鼓者亦半矩是句亦得一矩有半也選按謂如黃鐘之磬鼓爲

三以二尺七寸為矩股為二以一尺八寸為矩  
是股長於股半矩也博為一以九寸為矩去一  
以為鼓博以六寸為矩其博為一註曰博謂股  
是股廣於鼓亦半矩也博也博廣也

股為二鼓為三參分其股博去一以為鼓博參

分其鼓博以其一為之厚

註曰股磬之上大者鼓其下小者所當擊

者也股外面鼓內面也疏曰股在上故以為外  
鼓在下故以為內賈氏曰如黃鐘磬前長三律  
二尺七寸後長二律一尺八寸其博為一股廣  
一律也廣九寸股為二股長二律也長一尺八  
寸謂磬之上大而短者鼓為三其下所當擊之  
處長三律也二尺七寸謂磬之下小而長者三  
分其股博去一以為鼓博股博九寸三分去一  
則鼓博六寸矣三分其鼓博以其一為之厚鼓  
博六寸三分得一則股與鼓同厚二寸矣選按  
賈氏特舉黃鐘磬為例其餘十一管皆依此法

推去如林鐘長六寸磬鼓廣如律之長博爲一也股長一尺二寸股爲二也鼓長一尺八寸鼓爲三也鼓廣四寸三分股博六寸去一之數也厚一寸三分有奇三分鼓廣四寸去一之數也林鐘以下儼此已上則摩其旁註曰磬聲太上則摩鏡其旁太上聲清也薄而廣則濁已下則摩其端註曰太下聲濁也短而厚其旁已下則摩其端蓋言此磬之厚薄廣長與此律有不合也而後世乃謂凡磬薄則濁厚則清以黃鐘爲厚二寸一分至應鐘乃厚三寸五分與磬氏凡磬皆三分鼓博之一以爲厚者不合恐非是

爾雅曰大磬謂之磬

註曰磬形似犁鎡以玉石爲之疏曰無句作磬磬磬

也聲堅磬磬然大者名磬磬喬也喬高也謂其聲高也或曰磬燥也大磬聲清燥也鎡田器也

自江而南呼犁亦爲鎗  
此磬形似犁鎗但大爾

選按古者之磬如今匠人所用曲尺之形其短  
爲句卽磬氏之所謂股也其長爲股卽磬氏之  
所謂鼓也股常上向不動而爲靜爲外爲短爲  
廣象陰之以減而進也鼓常下垂當擊而爲動  
爲內爲長爲狹象陽之以盈而反也以其鳴於  
堂上而爲衆樂所依則用特縣之玉磬虞書憂  
擊鳴球是也以其設於堂下而與玉磬相應則  
用編縣之石磬周官磬師掌教擊磬編鐘是也

凡磬大則特縣小則編縣其爲之皆如磬氏之法

土音

塤

文獻通考陳氏曰土則埏埴以成器而冲氣出焉其卦則坤其方則西南之維其時則秋夏之交其風則涼其聲尙宮其音則濁立秋之氣也先王作樂用之以爲塤之屬焉蓋塤箎之樂未嘗不相應詩曰伯氏吹塤仲氏吹箎又曰如塤如箎樂記以塤箎爲德音之音周官笙師并掌

而教之則其聲相應信矣

爾雅曰大埴謂之𦔻

註曰埴燒土爲之大如鵝子銳上平底形如杵鍾六

孔小者如雞子疏曰埴喧也聲濁喧喧然大埴名𦔻音大如叫呼聲選按埴有雅與頌之別雅

埴大頌埴小大如鵝子者雅埴也小如雞子者頌埴也六孔上一前三後二上一謂一孔出頂

上也前三謂有三孔者爲前面二孔在前面之上

上一孔在其下形如鼎足也後二謂有二孔者爲後面兩平對列也前下一孔爲太簇上二孔

右爲姑洗啓下一孔爲仲呂左雙啓爲林鐘後二孔一啓爲南呂雙啓爲應鍾合聲爲黃鍾七律惟易鞋賓爲仲呂其餘皆黃鍾一均之聲也

選按土於五行爲冲氣而八音於土尙埴周官

凡言土音以埴鄭康成註云土埴也先王以其

備土德而合黃鐘之均故使小師掌之世本以爲暴辛公作墳亦未細考周官時之已有此也

革音鼓

文獻通考陳氏曰革去故以爲器而羣音首焉其卦則坎其方則北其時則冬其風廣莫其律黃鐘其聲一其音謹冬至之氣也先王作樂用之以爲鼓之屬焉蓋鞀所以兆奏鼓者也二者以同聲相應故祀天神以雷鼓雷鼗祭地祇以靈鼓靈鼗享人鬼以路鼓路鼗樂記亦以鼗鼓

合而爲德音周官少師亦以鞀鼓升而鼓之也

周禮鞀人爲臯陶

註曰臯陶鼓木也遷按鼓木卽鼓版今時謂之鼓腔

長

六尺有六寸左右端廣六寸中尺厚三寸

註曰版中

廣頭狹爲穹隆也謂鼓木一判者其兩端廣六寸而其中央廣尺也如此乃得有腹

穹者

三之一

註曰謂鼓木腹穹隆者居鼓面三分之一也蓋其鼓四尺者版穹一尺三寸三

分寸之一倍之爲二尺六寸三分寸之二加鼓四尺穹之徑六尺六寸三分寸之二也此鼓合二十版選按鼓兩頭每一版廣六寸周圍二十版合一十二尺以圍三徑一計之則其鼓面當徑四尺鼓中央每一版廣一尺周圍二十版合二十尺以圍三徑一計之則其鼓中圍當徑六尺六寸三分寸之二凡徑一則圍三一四一五九二六五此以圍三徑一計者舉成數而言也



上三正

註曰謂兩頭一平中央一平也三讀當爲參正直也參直者穹上一直兩端又

直各居二尺二寸不弧曲也此鼓兩面以六鼓差之惟晉鼓大而短近晉鼓也選按六鼓謂雷

鼓靈鼓路鼓鼗鼓磬鼓晉鼓

鼓長八尺鼓四尺中圍加三之

一謂之鼗鼓

註曰中圍加三之一者加於面之圍以三分之一也面四尺其圍十

二尺加以三分一四尺則中圍十六尺徑五尺三寸三分寸之一也今亦合二十版則版穹六

寸三分寸之二耳鼓四尺謂革所蒙者廣四尺大鼓曰鼗選按前云穹者三之一穹謂鼓腹高

起處也自鼓腹橫過皆有兩穹相對一穹高一尺三寸三分寸之一兩穹共高二尺六寸三分

寸之二合鼓面四尺計之則其中圍大六尺六寸三分寸之二矣此鼓則一穹高六寸三分寸

之二兩穹共高一尺三寸三分寸之一故云中圍加三之一中圍者包兩穹在內也合鼓面四

尺計之則其中圍大五尺三寸三分寸之一矣  
 是兩鼓之面數雖同而其中圍大小有不同蓋  
 此鼓兩頭每一版亦廣六寸周圍二十版二六  
 一十二尺圍三則徑一故其鼓面大四尺中夾  
 每一版廣八寸周圍二十版二八一十六尺圍  
 三則徑一故其鼓中圍大五尺三寸三分寸之

一 爲臯鼓長尋有四尺鼓四尺倨句磬折

註曰臯鼓

鼓役事之鼓磬折謂中曲之不參正也中圍與  
 鼗鼓同以磬折爲異選按前云上三正者謂鼓  
 木上兩頭各一平穹上一平有似三平之形故  
 云三正此鼓則從穹上以漸而曲至於兩頭畧  
 如句股之狀故 凡冒鼓必以啓蟄之日

註曰啓蟄孟春

之中也蟄蟲始聞雷聲而動 良鼓瑕如積環

註曰鼓所取象也冒蒙鼓以革

革調急也疏曰瑕與環皆謂漆之文理謂  
 革調急故然若急而不調則不得然也 鼓大

而短則其聲疾而短聞鼓小而長則其聲舒而

遠聞

疏曰此乃鼓之病大小得所如土三正者所為則無此病

爾雅曰大鼓謂之鼗

註曰鼗長八尺

小者謂之應

疏曰別鼓

大小之名也鼓之大者名鼗其小者名應言聲應於大鼓也

大鼗謂之麻小

者謂之料

註曰麻者音概而長也料者聲清而不亂疏曰鄭註小師職云鼗如鼓而

小持其柄搖之旁耳還自擊選按鼗如鼓而扁兩面皆蒙以革有耳有柄小鼓也此云大鼗蓋

特鼗中之大者耳

選按周官大司徒鼓人掌教六鼓四金之音聲

六鼓者雷鼓靈鼓路鼓鼗鼓鼙鼓晉鼓也鞀人

首爲晉鼓次鼗鼓次鼙鼓晉鼓以鼓金奏卽鐘  
師以鐘鼓奏九夏之鼓是也鼗鼓雖用以鼓軍  
事然詩靈臺篇云賁鼓維鏞鼗卽賁則鼗鼓亦  
通用於禮樂之地矣惟鼙鼓則專以鼓役事而  
不用於樂觀詩之云鼙鼓弗勝者可知焉至於  
雷鼓以祀天神靈鼓以祭地祇路鼓以享人鬼  
鼙人皆不著其爲之之法亦謂第舉三鼓以爲  
例其餘皆依此鼓推之而已古法宮縣備四隅  
之鼓西北隅之鼓合應鐘黃鐘大呂之聲東北

隅之鼓合太簇夾鐘姑洗之聲東南隅之鼓合  
仲呂蕤賓林鐘之聲西南隅之鼓合夷則南呂  
無射之聲一則先正十二辰之位而後依辰以  
設鼓也十月十一月十二月天道自西至北西  
北隅之位也故應鐘黃鐘大呂之鼓設焉正月  
二月三月天道自北至東東北隅之位也故太  
簇夾鐘姑洗之鼓設焉四月五月六月天道自  
東至南東南隅之位也故仲呂蕤賓林鐘之鼓  
設焉七月八月九月天道自南至西西南隅之

位也故夷則南呂無射之鼓設焉一則先準十二律之鼓而後依律以配辰也黃鐘律長九寸黃鐘鼓大四尺應鐘律長四寸六分六釐應鐘鼓大二尺七分一釐大呂律長八寸三分七釐六毫大呂鼓大三尺六寸六分七釐此三鼓與北方亥子丑之律相應故設於西北隅之位太簇律長八寸大簇鼓大三尺五寸五分五釐夾鐘律長七寸四分三釐七毫三絲夾鐘鼓大三尺三寸五釐姑洗律長七寸一分姑洗鼓大三

尺一寸五分五釐此三鼓與東方寅卯辰之律  
相應故設於東北隅之位仲呂律長六寸五分  
八釐三毫四絲六忽仲呂鼓大二尺九寸二分  
六釐蕤賓律長六寸二分八釐蕤賓鼓大二尺  
七寸八分林鐘律長六寸林鐘鼓大二尺六寸  
六分六釐此三鼓與南方巳午未之律相應故  
設於東南隅之位夷則律長五寸五分五釐一  
毫夷則鼓大二尺四寸七分一釐南呂律長五  
寸三分南呂鼓大二尺三寸五分五釐無射律

長四寸八分八釐四毫八絲無射鼓大二尺一寸九分九釐此三鼓與西方申酉戌之律相應故設於西南隅之位凡作樂有大鼓以君之又有小鼓以節之和之大鼓雷鼓以下之鼓是也小鼓應田鼗鼗之屬是也爾雅於大鼓專言鼗小鼓兼言應鼗其亦就其見於詩書者言之非謂鼓之類止此也

絲音

琴瑟

文獻通考陳氏曰絲飾物而成聲其卦則離其



方則南其時則夏其聲尙宮其律蕤賓其風景  
其音哀夏至之氣也先王作樂弦之以爲琴瑟  
之屬焉蓋琴瑟之樂君子所常御其大小雖不  
同而其聲應一也故均列之堂上焉

爾雅曰大琴謂之離

註曰琴長三尺六寸六分五絃其大者二十七絃未

詳長短疏曰琴者禁也禁止於邪以正人心也  
琴之大者別名離音多變聲流離也長三尺六  
寸六分者象三百六十六日五絃象五行大絃  
爲君小絃爲臣文王武王加二絃以合君臣之  
恩也五絃第一絃爲宮其次商角徵羽文武二  
絃爲少宮少商又廣六寸象六合也上曰池言  
其平下曰濱言其服前廣後狹象尊卑上圓下  
方法天地選按琴長三尺六寸六分廣六寸七

絃一絃應一律二少象宮商子聲絃具十三徽  
一絃又各應五音十二律以一徽象閏第一黃  
鐘絃八十一絲起於龍齲爲宮次商次角次徵  
次羽第二大簇絃七十二絲起於龍齲爲商次  
角次徵次羽次少宮第三姑洗絃六十四絲起  
於龍齲爲角次徵次羽次少宮次少商第四林  
鐘絃五十四絲起於龍齲爲徵次羽次少宮次  
少商次少角第五南呂絃四十八絲起於龍齲  
爲羽次少宮次少商次少角次少徵第六黃清  
絃半宮聲之絲起於龍齲爲少宮次少商次少  
角次少徵次少羽第七太清絃半商聲之絲起  
於龍齲爲少商次少角次少徵次少羽次少宮  
之少其餘七律無專絃者則從每絃各具十二  
律聲取之大呂在黃鐘太簇間夾鐘在太簇姑  
洗間仲呂在姑洗蕤賓間蕤賓在仲呂林鐘間  
夷則在林鐘南呂間無射在南呂應鐘間應鐘  
在無射黃清間此謂一絃各應一律而每絃又  
各有五音十二律皆以律管長短配十三徽卽

得至文獻通考載宋太常琴法則又以爲應律  
從中徽起按中徽第一絃黃鐘上爲大呂第二  
絃太簇上爲夾鐘第三絃姑洗上爲仲呂第四  
絃蕤賓單彈第五絃林鐘上爲夷則第六絃南  
呂上爲無射第七絃應鐘上爲黃鐘清中徽者  
七徽也各律既以七徽爲首則自八徽至十三  
徽皆相生所不及常置不用恐無此理考姜夔  
樂議當分琴爲三準自一徽至四徽謂之上準  
上準四寸半以象黃鐘之半律四徽至七徽謂  
之中準中準九寸以象黃鐘之正律七徽至十  
三徽謂之下準下準一尺八寸以象黃鐘之倍  
律三準各具十二律聲一如黃鐘生十一律之  
法想通考止列中準指法故從七徽起耳然琴  
法去二變而加少宮少商今去二少加二變成  
黃鐘一均七聲配之  
**大瑟謂之灑**  
音曲不識果有合否  
註曰長八尺  
一寸廣一尺  
八寸二十七絃疏曰包犧氏作五十絃黃帝使  
素女鼓瑟哀不自勝乃破爲二十五絃具二均

聲禮圖舊云雅瑟長八尺一寸廣一尺八寸二  
 十三絃其常用者十九絃其餘四絃謂之番番  
 贏也頌瑟長七尺二寸廣八寸二十五絃盡  
 用之樂記清廟之瑟朱絃而疏越蓋朱絃鍊則  
 聲濁越瑟底孔也蓋疏之使聲遲也以其不鍊  
 則體勁而聲清鍊則絲熟而聲濁也疏通也使  
 兩頭孔相連而通也孔小則聲急孔大則聲遲  
 故也其大者別名灑音多變布如灑出也郭云  
 二十七絃未見所出選按黃帝破五十絃瑟爲  
 二十五絃郭璞云大瑟二十七絃禮圖舊云雅  
 瑟二十三絃頌瑟二十五絃然三於五聲爲不  
 足七於五聲爲有餘以均數考之則頌瑟二十  
 五絃乃合黃帝所用十二律之正聲也其法以  
 中一絃爲君內外各十二絃自第一絃至十二  
 絃爲中聲十二用右手鼓之自第十四絃至二  
 十五絃爲清聲十二用左手鼓之凡鼓中聲必  
 并鼓清聲相應凡鼓清聲必并鼓中聲相應每  
 絃上皆各施以柱游移前後以和其聲蓋前其

柱則其勢迫而聲清後其柱則其勢濶而聲渾  
第一絃黃鐘中第十四絃黃鐘清第二絃大呂  
中第十五絃大呂清第三絃太簇中第十六絃  
太簇清第四絃夾鐘中第十七絃夾鐘清第五  
絃姑洗中第十八絃姑洗清第六絃仲呂中第  
十九絃仲呂清第七絃蕤賓中第二十絃蕤賓  
清第八絃林鐘中第二十一絃林鐘清第九絃  
夷則中第二十二絃夷則清第十絃南呂中第  
二十三絃南呂清第十一絃無射中第二十四  
絃無射清第十二絃應鐘中第二十五絃應鐘  
清

選按琴瑟乃升歌所用之樂器也虞書曰搏拊  
琴瑟以詠又曰下管鼗鼓下堂下也言管與鼗  
鼓皆在堂下則知琴瑟之在堂上明矣琴之七

絃具五聲而未嘗不兼十二律瑟之二十五絃  
具十二律而未嘗不兼五聲一器而備五聲十  
二律之均者琴瑟也故先王重焉

匏音笙

文獻通考陳氏曰匏之爲物其性輕而浮其中  
虛而通笙則以匏爲母象植物之生焉其卦則  
艮其方東北之維其時春冬之交其聲尙議其  
律大呂太簇其風融其音嗽立春之氣也先王  
作樂以之爲笙竽之屬焉記曰歌者在上匏竹

在下國語曰匏竹利制蓋匏竹相合而成聲得清濁之適故也

爾雅曰大笙謂之巢

註曰列管匏中施簧管端大者十九簧

小者

謂之和

註曰十三簧者鄉射記曰三笙一和而成聲疏曰隨始作笙笙生也正月之音

象物貫地而生有十三簧象鳳之聲其大者名巢巢高也言其聲高小者名和聲少音相和也匏瓠也以匏爲底故八音謂笙爲匏簧者笙管之中金薄鑊也笙管必有簧故或謂笙爲簧三笙一和謂三人吹笙一人吹和相應而成聲也蔡氏清曰凡笙管寸分按律選按文獻通考云今巢笙之制第一管頭子應鐘清聲應第三管正聲第二管黃鐘正聲應第十管清聲第三管應鐘正聲應第一管清聲第四管南呂正聲應第九管清聲第五管無射正聲無應第六管蕤

賓濁聲應第十一管正聲第七管大呂正聲無  
應第八管姑洗濁聲應第十二管正聲第九管  
南呂清聲應第四管正聲第十管黃鐘清聲應  
第二管正聲第十一管蕤賓正聲應第六管濁  
聲第十二管姑洗正聲應第八管濁聲第十三  
管夾鐘正聲無應第十四管太簇正聲應第十  
七管濁聲第十五管林鐘清聲應第十六管正  
聲第十六管林鐘正聲應第十五管清聲第十  
七管太簇濁聲應第十四管正聲第十八管夷  
則正聲無應第十九管仲呂正聲無應聲應謂  
取清濁相應也如吹黃鐘正聲則吹黃鐘清以  
應之若吹黃鐘清聲亦吹黃鐘正聲以應之凡  
言應倣此蓋此笙以十二正聲管加太簇姑洗  
蕤賓三濁聲管又加黃鐘林鐘南呂應鐘四清  
聲管共爲十九管然古法十二清聲惟黃鐘大  
呂太簇夾鐘四清乃常用之律今越大呂太簇  
夾鐘不用而用林鐘南呂應鐘三清聲則亦非  
古所用之四清矣和笙十三簧惟去三濁聲管



四清聲管加一閏聲  
管餘俱與巢笙同

選按笙有十三簧者和笙是也有十九簧者巢  
笙是也有二十四簧者巢之類也有三十六簧  
者竽之類也三十六簧者濁聲十二中聲十二  
清聲十二每吹則一濁一中一清三聲相應也  
二十四簧者中聲十二清聲十二每吹則一中  
一清兩聲相應也十三簧者中聲十二閏聲一  
以象十二月也惟通考所載巢笙之制則濁聲  
具三而缺九清聲具四而缺八其有應者七管

無應者五管誠先王之法歟亦不知後人之爲之而或失其制歟

竹音

簫管箏篴

文獻通考陳氏曰竹之爲物其節直而有制其心虛而能通而利制之音所由出也其卦則震其方則東其時則春其聲尙議其律姑洗其風明庶其音濫春分之氣也先王作樂竅之以爲簫管之屬焉

爾雅曰大簫謂之言

註曰編二十三管長尺四寸

小者謂之

變

註曰十六管長尺二寸一名簫疏曰此別

十六管有底其大者名言大簫聲大者言言也

其小者名筊小者聲揚而小故名筊筊小也選

按簫今太常作排簫大簫宜編二十四管以備

十二律正倍之聲郭云二十二律兼四清聲也衡山志書

編十六管蓋以十二律兼四清聲也衡山志書

禮樂考云舜作簫編竹爲之黃鐘之管長九寸

其音宮大呂八寸三分七分釐六毫太簇八寸其

音商夾鐘七寸四分三分釐七毫三絲姑洗七寸

一分其音角仲呂六寸五分八釐其音變徵林鐘六寸其

忽難賓六寸二分八釐其音變徵林鐘六寸其

音徵夷則五寸五分五釐一毫南呂五寸三分

其音羽無射四寸八分八釐四毫八絲應鐘四

寸六分六釐其音變宮加黃鐘大呂太簇夾鐘

四清聲凡十六管其制以木爲橫納管其中齊

其上出一寸五分下則自右而左以次而短其

管長者聲下短者以漸而高管中各開半竅自

右吹之第一管為黃鐘第三太簇第五姑洗第  
六仲呂第八林鐘第十南呂第十二應鐘第十  
三清黃鐘第十四十五俱清太其正律第舉七  
管當是七聲各舉其一言之其第十四十五俱  
清太疑當有誤吾邑志書於學校禮樂諸器以  
及樂章樂舞莫不各有圖譜可以按譜知律實  
為近世學者之所不講蓋衡山當宋胡氏上居  
之時名儒接踵相至凡所以於禮樂之事講之  
宜詳朱子在南嶽以為其聲得古樂之遺者此  
也但其譜以流傳既久訛缺相因考正無從推  
於簫則採其說以補大管謂之箛註曰管長尺  
開寸併漆之  
諸書之所未備云  
有底賈氏以其中謂之簞小者謂之箛疏曰別  
管大小  
為如篴六孔  
之名也大管名箛聲高大故曰箛箛高也周禮  
小師註云管如簞而小併兩管而吹之今太  
樂官有之是也其中不大不小者名簞小者名  
箛選按凡笙蕭以一管也一律故以十二管之

長短分應十二律管以六孔應十二律故以孔  
所距之上下分應十二律鄭氏以為管如筵而  
小筵占雅樂笛也文獻通考云管與笛一法謂  
管之以孔應律同於笛之法也特其有不同者  
以管則併兩笛而直吹之耳宋太常笛法從下  
而上一孔為太簇四上應半竅為大呂四下應  
次上一孔為姑洗上應半竅為夾鍾一下應  
次上一孔為仲呂上字應次上一孔為林鐘尺  
字應半竅為蕤賓勾字應次上一孔為南呂工  
上應半竅為夷則上下應變聲為應鐘凡上應  
謂用黃鐘清與仲呂雙發為變聲半竅為無射  
凡下應後一孔為黃鐘清六字應十二律譜字  
之法詳見本書八大箭謂之產註曰箭如笛三  
十四聲圖章箋義孔而短小廣雅  
云七其中謂之仲小者謂之箭疏曰箭樂器名  
中者名仲小者名箭選按管與筵皆有六孔七  
孔八孔不等惟箭止三孔宋劉熙嘗以三漏為

先王所以通中聲之樂聶崇義禮  
圖所傳與宋太常所用皆三孔  
大箎謂之沂

註曰箎以竹爲之長尺四寸圍三寸一孔上出  
寸三分名翹橫吹之八孔疏曰箎聲悲沂悲也  
鄭司農周禮註云箎七孔蓋不數其上出者故  
七也選按爾雅註云管如箎六孔文獻通考云  
管與笛一法是箎同於管而卽同於  
笛其爲五聲十二律之法亦如之

選按管以專一而成聲簫以和鳴而善應故簫  
管未有不兼用者特其所尙則各不同焉虞書  
曰簫韶九成於韶獨繫簫則知有虞氏尙簫也  
商頌曰嗟嗟管聲於竹獨言管則知殷人尙管  
也周頌始作樂而合乎祖之詩曰旣備乃奏簫

管備舉此周人之合而兼尚之也蓋竹聲濫濫則易淫先王於簫管特尚之者以其濫而不至於淫也後世簫有十二管十六管二十三管二十四管管有六孔七孔八孔十孔其爲法則一以十有二聲齊之而已至於執籥見稱於國風吹箎並著於小雅斯二者亦豈非竹音中之雅

樂歟

木音

祝敵

文獻通考陳氏曰木者所以合止樂之器其卦

則吳其方東南之維其時春夏之交其風清明  
其律夾鍾其聲一其音直立夏之氣也先王作  
樂斲之以爲祝敔之屬焉樂記曰作爲柷敔德  
音之音祝敔以柷敔爲用柷敔以祝敔爲體二  
者之聲一合一止未嘗不相待也

爾雅曰所以鼓祝謂之止

註曰祝如漆桶方二尺四寸深一尺八寸

中有椎柄連底掩之令左右擊止者其椎名

所以鼓敔謂之鉦

註曰敔如

伏虎背上有二十七鉦鐻刻以木長尺櫟之氣者其名既曰此別祝敔之名也皆以木爲之禮記謂之柷敔所以鼓勅其祝以出其音者名既蔡氏清曰祝所以鼓勅其敔以出其音者名既



形方面中虛以起樂者蓋樂由陽作由靜而動也方二尺四寸深一尺八寸陰之象也故擊之以起樂故形圓而體實皆上二十七紐銘陽數也以長尺之氣三條而三擊之終於陽也虎形者體而歸於實也選按祝如今方斗形紐銘卽離離言其狀如錫齒出入者凡二十七也鍾音歷言以木長尺歷其上使有聲也

選按天以陽生萬物而木茂於春焉以陰成萬物而木彫於冬焉故五行之有木所以始天地終天地也聖人作樂以祝起以敬止其亦象天地之始終於木歟

選總按周官八音以金石土革絲木匏竹爲次

然木於八音有始終之義焉宜居最後卽終以  
見始也金主鐘石主磬土主埙革主鼓絲主琴  
瑟匏主笙竹主簫管木主祝敔木鄭註所釋亦  
以從古樂也凡造八音先以十有二律爲十二  
鐘旣又吹十二律各字卽十二鐘合之黃鐘鐘  
合合字大呂鐘合四下太簇鐘合四上夾鐘鐘  
合一下姑洗鐘合一上仲呂鐘合上字蕤賓鐘  
合勾字林鐘鐘合尺字夷則鐘合工下南呂鐘  
合工上無射鐘合凡下應鐘鐘合凡上編卽無

差然後又以鐘音徧合諸音如管六孔應六律  
六呂其孔所出之聲合合字者爲黃鐘合四下  
者爲大呂合四上者爲太簇合一下者爲夾鐘  
合一上者爲姑洗合上字者爲仲呂合勾字者  
爲蕤賓合尺字者爲林鐘合工下者爲夷則合  
工上者爲南呂合凡下者爲無射合凡上者爲  
應鐘此則以十有二聲爲十有二律之法也餘  
倣此樂之有八音也雅與俗皆用之然雅樂掌  
在太常民間無由得知俗樂雜以新聲儒者又

以爲不足知故樂之器常不講於學士大夫之  
口久矣竊思先王吹律定聲因聲制器載在典  
籍可考而知於是乃取周官爾雅諸書凡於琴  
瑟簫管鐘磬祝敔之屬一一會採諸儒所註釋  
者而詮次之名曰八音考略雖五帝殊時不相  
沿樂今之制器豈能盡合乎古然苟因是而進  
求焉亦未必不可以髣髴其萬一六

律呂新書

衡山羅登選箋義

律呂本原

黃鐘第一

以漢志解  
銘文定

箋曰漢志云五聲之本始於黃鐘之律九寸爲  
宮隋志載漢斛銘云嘉量竊一百六十二寸爲  
分者一十六萬二千分深尺積一千六百二十  
寸爲分者一百六十二萬分兩因黃鐘之積爲  
一合二十黃鐘爲一升二百黃鐘爲一斗二千

黃鐘爲一斛置一百六十二萬而以二千黃鐘  
約之則其積八百一十分矣置八百一十分而  
以九十約之則其空圍九分矣故云以漢志斛

銘文定

長九寸空圍九分積八百一十分

算法置八百一十分分作九重每重

得九分圓田術三分益一得一十二以開方法除之  
得三分四釐六毫強爲實徑之數不盡二毫八絲四  
忽今求圍積之數以徑三分四釐六毫自相乘得十  
一分九釐七毫一絲六忽加以開方不盡之數二毫  
八絲四忽得一十二分以管長九十分乘之得一千  
八十分爲方積之數四分取三爲圖積得八百一十  
分

箋曰此篇言黃鐘長九寸者以十爲法九寸共九十分也後篇言長九寸者以九爲法九九八十一分也空圍九分者每分空圍內竊積九分分也積八百一十分者每分竊積九分長九十分其積八百一十分也先儒有以圍九分爲周九分者則其積止六百三十六分以爲積八百一十分則周又不止於九分宋胡安定著樂書始以九分爲九方分原註本安定之說以方圓相求而見數然用圓田術起算亦猶未爲周徑

之密率也蓋求容必先求徑而求徑必準於周  
原法三分四釐六毫以爲徑是既有不合於九  
分之徑乘後四分退一以爲積則亦必有不合  
於九十分之積矣今以黃鐘圓冪九分三分益  
一以爲方周於是以八八六二二六乘方周十  
二得圓周十分六釐三毫四絲五忽蓋方周一  
則圓周八八六二二六也又以三一四一五九  
二六五除圓周十分六釐三毫四絲五忽得圓  
徑三分三釐八毫五絲一忽蓋圓徑一則圓周



三一四一五九二六五也又以圓周圓徑相乘  
之三十五分九釐九毫八絲八忽有奇以四除  
之得八分九釐九毫九絲七忽卽其空圍九分  
而差三忽之數又以八分九釐九毫九絲七忽  
因黃鐘九十分之長得八百九分九釐七毫三  
絲卽其積八百一十分而差二毫七絲之數如  
此則黃鐘之圓長面幕與夫空圍內積可以參  
互考之而無不合亦密矣冬至於陽氣爲至微  
黃鐘於諸律爲最長蓋氣以藏於地中者爲厚

律以應乎至厚者爲長冬至正惟陽氣初動尙未發泄其氣至厚其律最長此寸之所以有九而宮之所以爲君也近世王喬桂說十二律旋相爲宮又主呂覽黃鐘長三寸九分之說此其陰陽清濁錯亂無倫姑不必深辨且以漢律言之漢自張蒼始定律呂蒼仕秦爲御史去古未遠若使古之黃鐘果長三寸九分則蒼所定漢律亦必與呂覽同法今觀史記律書則云黃鐘長八寸十分一班氏前漢志則云黃鐘之律九

寸爲宮史記漢書之法卽蒼之法也蒼之法必  
古樂之遺也若呂覽乃呂不韋使其門下客所  
爲本弔奇不足信而欲引之以證先王之法其  
亦不思而已

按天地之數始於一終於十其一三五七九爲陽  
九者陽之成也其二四六八十爲陰十者陰之成  
也黃鐘者陽聲之始陽氣之動也故其數九分寸  
之數具於聲氣之元不可得而見及斷竹爲管吹  
之而聲和候之而氣應而後數始行焉均其長得

九寸審其圍得九分

此章凡言分者皆十分寸之一

積其實得八

百一十分長九寸圍九分積八百一十分是爲律

本度量衡權於是而受法十一律由是而損益焉

箋曰始於一卽天一終於十卽地十天數一三

五七而窮於九故曰九者陽之成也地數二四

六八而極於十故曰十者陰之成也凡此皆主

河圖之數而言天地之化有氣必有聲故雷風

氣也而聲以宣之苟非聲則氣不可得而見矣

十一月陽之氣初動於地中而黃鐘應之故

曰黃鐘者陽聲之始陽氣之動也陽之數極於九故黃鐘之數亦爲九有是天地卽有是氣有是氣卽有是聲有是聲氣卽有是數特其冲漠而無兆者則數亦不可得而見矣聖人觀於聲氣之元而截竹以吹之審其聲爲宮聲候其氣爲冬至然後考其寸分容積爲之數以紀之故曰截竹爲管而後數始形焉長短多寡輕重皆起於黃鐘故曰度量衡權於是而受法黃鐘之實析之爲十一律故曰十一律由是而損益焉

黃鐘之實第二

以淮南子漢前志定其寸分釐毫絲之法以律書生鐘分定

子一 黃鐘之律

箋曰元氣之始爲太極太極之所函圍三則徑一故一者元始之數也元始初動端於子故子之數一黃鐘應子半之氣故子一黃鐘之律

丑三 爲絲法

箋曰置子一而三之也卯二十七爲毫法毫有九絲故法以三爲一絲

寅九 爲寸數

箋曰置丑三而三之也子一爲黃鐘之律律有九寸故寅爲寸數

卯二十七 爲毫法

箋曰置寅九而三之也巳之二百四十三爲釐法釐有九毫故法以二十七爲一毫

辰八十一 爲分數

箋曰置卯二十七而三之也寅之九爲寸數寸有九分九寸積八十一分故辰爲分數

巳二百四十三 爲釐法

箋曰置辰八十一而三之也未之二千一百八十七爲分法分有九釐故法以二百四十三爲一釐

午七百二十九 爲釐數

箋曰置巳二百四十三而三之也辰之八十一爲分數分有九釐八十一分積七百二十九釐故午爲釐數

未二千一百八十七 爲分法

箋曰置午七百二十九而三之也酉之一萬九



千六百八十三爲寸法寸有九分故法以二千  
一百八十七爲一分

申六千五百六十一 爲毫數

箋曰置米二千一百八十七而三之也午之七  
百二十九爲釐數釐有九毫七百二十九釐積  
六千五百六十一毫故申爲毫數

酉一萬九千六百八十三 爲寸法

箋曰置申六千五百六十一而三之也亥之一  
十七萬七千一百四十七爲黃鐘之實黃鐘九

寸故法以一萬九千六百八十三爲一寸

戌五萬九千〇〇四十九 爲絲數

箋曰置酉一萬九千六百八十三而三之也申之六千五百六十一爲毫數毫有九絲六千五百六十一毫積五萬九千四十九絲故戌爲絲數

亥一十七萬七千一百四十七 黃鐘之實

箋曰置戌五萬九千四十九而三之也辰於此而周數於此而備聲於此而全故爲黃鐘之實

其自子順至亥皆以三遞加隔一位則爲九其  
自亥逆至子皆以三遞析隔一位亦爲九順逆  
迴環諸數各得是乃天地自然之位故其始終  
條理如此

按黃鐘九寸以三分爲損益故以三歷十二辰得  
一十七萬七千一百四十七爲黃鐘之實其十二  
辰所得之數在子寅辰午申戌六陽辰爲黃鐘寸  
分釐毫絲之數子爲黃鐘之律寅爲九寸辰爲八  
十一分午爲七百二十九釐申爲  
六千五百六十一毫戌  
爲五萬九千四十九絲在亥酉未巳卯丑六陰辰

爲黃鐘寸分釐毫絲之法

亥爲黃鐘之實酉之一萬九千六百八十三爲

寸未之二千一百八十七爲分已之二百四十三爲釐卯之二十七爲毫丑之三爲絲

其寸

分釐毫絲之法皆用九數故九絲爲毫九毫爲釐九釐爲分九分爲寸爲黃鐘蓋黃鐘之實一十七萬七千一百四十七之數以三約之爲絲者五萬九千四十九以二十七約之爲毫者六千五百六十一以二百四十三約之爲釐者七百二十九以二千一百八十七約之爲分者八十一以一萬九千六百八十三約之爲寸者九由是三分損益以

生十一律焉或曰徑圍之分以十爲法而相生之分釐毫絲以九爲法何也曰以十爲法者天地之全數也以九爲法者因三分損益而立也全數者卽十而取九相生者約十而爲九卽十而取九者體之所以立約十而爲九者用之所以行體者所以定中聲用者所以生十一律也

箋曰若以丑戌寅酉卯申辰未巳午互相乘皆得十七萬七千一百四十七合黃鐘之實此陰陽互藏其宅之義也黃鐘長九寸空圍九分徑

三分三釐有奇圍十分六釐有奇皆以寸作十分分作十釐釐作十毫毫作十絲絲作十忽此圍徑以十爲法之所以合天地之全數也以九寸約作八十一分分有九釐釐有九毫毫有九絲絲有九忽陽下生陰倍其實三其法陰上生陽四其實三其法此相生以九爲法之所以因三分損益而立也天地之全數爲十天地之元音爲律故十之數常爲體而中聲出焉律以三歷十二辰三非九則數不行故九之數常爲用

而十一律生焉

黃鐘生十一律第三

子一分

箋曰子一分者黃鐘十七萬七千一百四十七之全數也其曰子一者黃鐘位子一陽初動萬物未萌故數起子得一也

一爲九寸

箋曰子一黃鐘之律故一爲九寸也

丑三分二

箋曰三分子一每分五萬九千四十九丑於三  
分之中得其二當有十一萬八千九十八爲黃  
鐘下生林鐘之數

一爲三寸

箋曰九分丑三故一爲三寸也下文其上以三  
歷十二辰皆黃鐘之全數者卽此

寅九分八

箋曰九分子一每分一萬九千六百八十三寅  
於九分之中得其一當有十五萬七千四百六



十四爲太簇上生太簇之數

爲一寸

箋曰九分寅九故一爲一寸也

卯二十七分十六

箋曰二十七分子一每分六千五百六十一卯於二十七分之中得其十六當有十萬四千九百七十六爲太簇下生南呂之數

三爲一寸 一爲三分

箋曰九分卯二十七故三爲一寸也寸有九分

故一爲三分也

辰八十一分六十四

箋曰八十一分子一每分二千一百八十七辰  
於八十一分之中得其六十四當有十三萬九  
千九百六十八爲南呂上生姑洗之數

九爲一寸 一爲一分

箋曰九分辰八十一故九爲一寸也寸有九分  
故一爲一分也

巳二百四十三分一百二十八

箋曰二百四十三分子一每分七百二十九已  
於二百四十三分之中得其一百二十八當有  
九萬三千三百一十二爲姑洗下生應鍾之數  
二十七爲一寸 三爲一分 一爲三釐

箋曰九分已二百四十三故二十七爲一寸也  
寸有九分故三爲一分也分有九釐故一爲三  
釐也

午七百二十九分五百一十二

箋曰七百二十九分子一每分二百四十三午

於七百二十九分之中得其五百一十二當有  
十二萬四千四百一十六爲應鐘上生蕤賓之  
數

八十一爲一寸 九爲一分 一爲一釐

箋曰九分年七百二十九故八十一爲一寸也  
寸有九分故九爲一分也分有九釐故一爲一  
釐也

未二千一百八十七分一千二十四

箋曰二千一百八十七分子一分八十一未

於二千一百八十七分之中得其一千二十四  
當有八萬二千九百四十四倍之得十六萬五  
千八百八十八爲黠賓上生大呂之數後文所  
謂大呂夾鐘仲呂在陽則用倍數者此也

二百四十三爲一寸 二十七爲一分 三爲一  
釐 一爲三毫

箋曰九分未二千一百八十七故一百四十三  
爲一寸也寸有九分故二十七爲一分也分有  
九釐故三爲一釐也釐有九毫故一爲三毫也

申六千五百六十一分四千九十六

箋曰六千五百六十一分子一每分二十七申  
於六千五百六十一分之中得其四千九十六  
當有十一萬五百九十二爲大呂下生夷則之  
數

七百二十九爲一寸 八十一爲一分 九爲一  
釐 一爲一毫

箋曰九分申六千五百六十一故七百二十九  
爲一寸也寸有九分故八十一爲一分也分有

九釐故九爲一釐也釐有九毫故一爲一毫也  
酉一萬九千六百八十三分八千一百九十二

箋曰一萬九千六百八十三分子一每分九酉  
於一萬九千六百八十三分之中得其八千一  
百九十二當有七萬三千七百二十八倍之得  
十四萬七千四百五十六爲夷則上生夾鐘之  
數

二千一百八十七爲一寸 二百四十三爲一分  
二十七爲一釐 三爲一毫 一爲三絲

箋曰九分酉一萬九千六百八十三故二千一百八十七爲一寸也寸有九分故二百四十三爲一分也分有九釐故二十七爲一釐也釐有九毫故三爲一毫也毫有九絲故一爲三絲也  
戌五萬九千四十九分三萬二千七百六十八

箋曰五萬九千四十九分子一每分三戌於五萬九千四十九分之中得其三萬二千七百六十八當有九萬八千三百單四爲夾鐘下生無射之數



六千五百六十一爲一寸 七百二十九爲一分  
八十一爲一釐 九爲一毫 一爲一絲  
箋曰九分戊五萬九千四十九故六千五百六  
十一爲一寸也寸有九分故七百二十九爲一  
分也分有九釐故八十一爲一釐也釐有九毫  
故九爲一毫也毫有九絲故一爲一絲也

亥一十七萬七千一百四十七分六萬五千五百三  
十六

箋曰一十七萬七千一百四十七分子一每分

一亥於十七萬七千一百四十七分之中得其  
六萬五千五百三十六倍之得十三萬一千七  
十二爲無射上生仲呂之數

一萬九千六百八十三爲一寸 二千一百八十  
七爲一分 二百四十三爲一釐 二十七爲一  
毫 三爲一絲 一爲三忽

箋曰九分亥十七萬七千一百四十七故一萬  
九千六百八十三爲一寸也寸有九分故二千  
一百八十七爲一分也分有九釐故二百四十

三爲一釐也釐有九毫故二十七爲一毫也毫有九絲故三爲一絲也絲有九忽故一爲三忽也至此則寸分釐毫絲忽其數皆全其法皆正與前之以三歷十二辰者若合一焉則亦非人力之所能爲矣

按黃鐘生十一律子寅辰午申戌六陽辰皆下生丑卯巳未酉亥六陰辰皆上生其上以三歷十二辰者皆黃鐘之全數其下陰數以倍者

卽算法倍其實

三

分本律而損其一也陽數以四者

卽算法四其實

三分本

律而增其一也六陽辰當位自得六陰辰則居其  
衝其林鐘南呂應鐘三呂在陰無所增損其大呂  
夾鐘仲呂三呂在陽則用倍數方與十二月之氣  
相應蓋陰之從陽自然之理也

箋曰自子一而丑三而寅九而卯二十七而辰  
八十一而已二百四十三而午七百二十九而  
未二千一百八十七而申六千五百六十一而  
酉一萬九千六百八十三而戌五萬九千四十  
九而亥十七萬七千一百四十七是皆以三歷

十二辰也丑三分二則以一爲三寸合三而爲九寸寅九分八則以一爲一寸合九而爲九寸是皆黃鐘之全數也卯以下倣此丑卯巳未酉亥六陰數以倍者如由一而二八而十六是也子寅辰午申戌六陽數以四者如由二而十六而六十四是也黃鐘居子太簇居寅姑洗居辰蕤賓居午夷則居申無射居戌故曰六陽辰當位自得林鐘以未居丑南呂以酉居卯應鐘以亥居巳大呂以丑居未夾鐘以卯居酉仲呂

以巳居亥故曰六陰辰則居其衝林鐘位二陰  
南呂位四陰應鐘位六陰是爲以陰居陰但如  
其相生之常而止故曰在陰無所增損大呂位  
二陽夾鐘位四陽仲呂位六陽是爲以陰居陽  
必倍其相生之數乃合故曰在陽則用倍數

十二律之實第四

子黃鐘十七萬七千一百四十七

箋曰子黃鐘之律也亥黃鐘之實也實乃子一  
以三歷十二辰所積之數也故曰子黃鐘十七

萬七千一百四十七三分其實得五萬九千四十九以爲法下生者倍其法得十一萬八千九十八以爲林鐘漢前志曰黃者中之色君之服也鐘者種也天之中數五五爲聲聲上宮五聲莫大焉地之中數六六爲律律有形有色色上黃五色莫盛焉故陽氣施種於黃泉孳萌萬物爲六氣元也以黃色名元氣律者著宮聲也宮以九倡六變動不拘周流六虛始於子在十一月

又按前篇以倍以四卽三分損益之數也此又詳解三分本律之實以明著其法

全九寸

半無

箋曰黃鐘之實約以寸法其爲一萬九千六百八十三者有九故黃鐘長九寸半四寸五分也又謂之子聲仲呂再生黃鐘用其變半再生非正律故曰半無儀禮經傳通解曰三分其長得三以爲法下生者倍其法得六寸以爲林鐘



丑林鐘十一萬八千〇〇九十八

箋曰林鐘之實十一萬八千九十八三分其實  
得三萬九千三百六十六以爲法上生者四其  
法得十五萬七千四百六十四以爲太簇漢前  
志曰林君也言陰氣受任助蕤賓主種物使長  
大榭盛也位於未在六月

全六寸

半三寸不用

箋曰林鐘之實約以寸法其爲一萬九千六百

八十三者有六故林鐘長六寸自黃鐘而下林鐘南呂應鐘亦不用正半故皆曰半不用儀禮經傳通解曰三分其長得二以爲法上生者四其法得八寸以爲太簇

寅太簇十五萬七千四百六十四

箋曰太簇之實十五萬七千四百六十四三分其實得五萬二千四百八十八以爲法下生者倍其法得十萬四千九百七十六以爲南呂漢前志曰簇奏也言陽氣大奏地而達物也位於

寅在正月

全八寸

半四寸

箋曰大蕤之實約以寸法其爲一萬九千六百八十三者有八故太蕤長八寸儀禮經傳通解曰三分其長得二寸六分以爲法下生者倍其法得五寸三分以爲南呂

卯南呂十口萬四千九百七十六

箋曰南呂之實十萬四千九百七十六三分其

實得三萬四千九百九十二以爲法上生者四  
其法得十三萬九千九百六十八以爲姑洗漢  
前志曰南任也言陰氣旅助夷則任成萬物也  
位於酉在八月

全五寸三分

半二寸六分不用

箋曰南呂之實約以寸法其爲一萬九千六百  
八十三者有五約以分法其爲二千一百八十  
七者有三故南呂長五寸三分儀禮經傳通解

曰三分其長得一寸七分以爲法上生者四其  
法得七寸一分以爲姑洗

辰姑洗十三萬九千九百六十八

箋曰姑洗之實十三萬九千九百六十八三分  
其實得四萬六千六百五十六以爲法下生者  
倍其法得九萬三千三百一十二以爲應鐘漢  
前志曰洗絜也言陽氣洗物辜絜之也位於辰  
在三月

全七寸一分

半三寸五分五釐

箋曰姑洗之實約以寸法其爲一萬九千六百八十三者有七約以分法其爲二千一百八十七者有一故姑洗長七寸一分儀禮經傳通解曰三分其長得二寸三分三釐以爲法下生者倍其法得四寸六分六釐以爲應鐘

已應鐘九萬三千三百一十二

箋曰應鐘之實九萬三千三百一十二三分其實得三萬一千一百單四以爲法上生者四其

法得十二萬四千四百一十六以爲蕤賓漢前  
志曰言陰氣應無射該藏萬物而襍陽闔種也  
位於亥在十月

全四寸六分六釐

半二寸三分三釐不用

箋曰應鐘之實約以寸法其爲一萬九千六百  
八十三者有四約以分法其爲二千一百八十  
七者有六約以釐法其爲二百四十三者有六  
故應鐘長四寸六分六釐儀禮經傳通解曰三

分其長得一寸五分二釐以爲法上生者四其  
法得六寸二分八釐以爲蕤賓

午蕤賓十二萬四千四百一十六

箋曰蕤賓之實十二萬四千四百一十六三分  
其實得四萬一千四百七十二以爲法上生者  
四其法得十六萬五千八百八十八以爲大呂  
漢前志曰蕤繼也賓導也言陽始導陰氣使繼  
養物也位於午在五月

全六寸二分八釐



半三寸一分四釐

箋曰蕤賓之實約以寸法其爲一萬九千六百八十三者有六約以分法其爲二千一百八十七者有二約以釐法其爲二百四十三者有八故蕤賓長六寸二分八釐儀禮經傳通解曰三分其長得二寸八釐六毫以爲法上生者四其法得八寸三分七釐六毫以爲大呂十二律相生皆上生下生相間至於蕤賓生大呂則不然蓋十二月承一陽之後五月當一陰之始應鐘

上生蕤賓蕤賓又上生大呂亦以陰從陽乃自然之理也

未大呂十六萬五千八百八十八

箋曰大呂之實十六萬五千八百八十八三分其實得五萬五千二百九十六以爲法下生者倍其法得十一萬五百九十二以爲夷則漢前志曰呂旅也言陰大旅助黃鐘宣氣而牙物也位於丑在十二月

全八寸三分七釐六毫

半四寸一分八釐三毫

箋曰大呂之實約以寸法其爲一萬九千六百八十三者有八約以分法其爲二千一百八十七者有三約以釐法其爲二百四十三者有七約以毫法其爲二十七者有六故大呂長八寸三分七釐六毫儀禮經傳通解曰三分其長得二寸七分二釐五毫以爲法下生者倍其法得五寸五分五釐一毫以爲夷則

申夷則十一萬□□五百九十二

箋曰夷則之實十一萬五百九十二三分其實  
得三萬六千八百六十四以爲法上生者四其  
法得十四萬七千四百五十六以爲夾鐘漢前  
志曰則法也言陽氣正法度而使陰氣夷當傷  
之物也位於申在七月

全五寸五分五釐一毫

半二寸七分二釐五毫

箋曰夷則之實約以寸法其爲一萬九千六百  
八十三者有五約以分法其爲二千一百八十

七者有五約以釐法其爲二百四十三者有五  
約以毫法其爲二十七者有一故夷則長五寸  
五分五釐一毫儀禮經傳通解曰三分其長得  
一寸七分七釐六毫三絲以爲法上生者四其  
法得七寸四分三釐七毫三絲以爲夾鐘

酉夾鐘十四萬七千四百五十六

箋曰夾鐘之實十四萬七千四百五十六三分  
其實得四萬九千一百五十二以爲法下生者  
倍其法得九萬八千三百單四以爲無射漢前

志曰言陰夾助太簇宣四方之氣而出種物也  
位於卯在二月

全七寸四分三釐七毫三絲  
半三寸六分六釐三毫六絲

箋曰夾鐘之實約以寸法其爲一萬九千六百  
八十三者有七約以分法其爲二千一百八十  
七者有四約以釐法其爲二百四十三者有三  
約以毫法其爲二十七者有七約以絲法其爲  
三者有三故夾鐘長七寸四分三釐七毫三絲

儀禮經傳通解曰三分其實得二寸四分四釐  
二毫四絲以爲法下生者倍其法得四寸八分  
八釐四毫八絲以爲無射

戊無射九萬八千三百〇〇四

箋曰無射之實九萬八千三百單四三分其實  
得三萬二千七百六十八以爲法上生者四其  
法得十三萬一千七十二以爲仲呂漢前志曰  
射厭也言陽氣究物而使陰氣畢剝落之終而  
復始無射已也位於戌在九月

全四寸八分八釐四毫八絲

半二寸四分四釐二毫四絲

箋曰無射之實約以寸法其爲一萬九千六百八十三者有四約以分法其爲二千一百八十七者有八約以釐法其爲二百四十三者有八約以毫法其爲二十七者有四約以絲法其爲三者有八故無射長四寸八分八釐四毫八絲儀禮經傳通解曰三分其長得一寸五分八釐七毫五絲六忽以爲法上生者四其法得六寸



五分八釐三毫四絲六忽以爲仲呂

亥仲呂十三萬一千〇〇七十二

箋曰仲呂之實十三萬一千七十二三分其實  
餘二算不盡漢前志曰言微陰始起未成著於  
其中旅助姑洗宣氣齊物也位於巳在四月

全六寸五分八釐三毫四絲六忽

餘二算

半三寸二分八釐六毫二絲三忽

箋曰仲呂之實約以寸法其爲一萬九千六百  
八十三者有六約以分法其爲二千一百八十

七者有五約以釐法其爲二百四十三者有八約以毫法其爲二十七者有三約以絲法其爲三者有四約以忽法其爲一者有六故仲呂長六寸五分八釐三毫四絲六忽儀禮經傳通解曰三分其長得二寸一分八釐七毫一絲五忽以爲法上生者四其法得八寸七分八釐一毫六絲二忽以爲黃鐘之變十二律相生之數至仲呂而以三分之則有不盡然約寸分釐毫絲忽之法餘數則棄故可以三分者所以存生生

之義而律呂之實不可以有零奇故不可以三分者所以見正變之分

按十二律之實約以寸法則黃鐘林鐘太簇得全寸約以分法則南呂姑洗得全分約以釐法則應鐘蕤賓得全釐約以毫法則大呂夷則得全毫約以絲法則夾鐘無射得全絲至仲呂之實十三萬一千七十二以三分之不盡二算其數不行此律之所以止於十二也

箋曰黃鐘林鐘太簇止於寸故曰約以寸法得

全寸南呂姑洗止於分故曰約以分法得全分  
應鐘蕤賓止於釐故曰約以釐法得全釐大呂  
夷則止於毫故曰約以毫法得全毫夾鐘無射  
止於絲故曰約以絲法得全絲至仲呂之實以  
三分之各得四萬三千六百九十餘二算不盡  
如此則相生之數窮矣故曰其數不可行此律  
之所以止於十二也

變律第五

黃鍾十七萬四千七百六十二

小分四百八十六

箋曰以七百二十九乘仲呂之實十三萬一千七十二得九千五百五十五萬一千四百八十八三分其實得三千一百八十五萬四百九十六以爲法上生者四其法得一億二千七百四十萬一千九百八十四復以七百二十九歸之得十七萬四千七百六十二爲變黃鐘從十二律之實除後仍有四百八十六不盡故曰小分四百八十六

全八寸七分八釐一毫六絲二忽不用

半四寸三分八釐五毫三絲一忽

箋曰減於正律之長一分七毫二絲七忽蕤賓  
爲宮黃鐘用變半爲變徵大呂爲宮黃鐘用變  
半爲變宮夷則爲宮黃鐘用變半爲角夾鐘爲  
宮黃鐘用變半爲羽無射爲宮黃鐘用變半爲  
商仲呂爲宮黃鐘用變半爲徵故曰全不用

林鐘十一萬六千五百〇〇八

小分三百二十四

箋曰黃鐘之實一億二千七百四十萬一千九  
百八十四三分其實得四千二百四十六萬七

千三百二十八以爲法下生者倍其法得八千  
四百九十三萬四千六百五十六復以七百二  
十九歸之得十一萬六千五百單八爲變林鐘  
從十二律之實際除後仍有三百二十四不盡故  
曰小分三百二十四

全五寸八分二釐四毫一絲一忽三初

半二寸八分五釐六毫五絲六初

箋曰減於正律之長六釐四毫七絲七忽六初

太簇十五萬五千三百四十四

小分四百三十二

箋曰林鐘之實八千四百九十三萬四千六百  
五十六三分其實得二千八百三十一萬一千  
五百五十二以爲法上生者四其法得一億一  
千三百二十四萬六千二百單八復以七百二  
十九歸之得十五萬五千三百四十四爲變太  
簇從十二律之實除後仍有四百三十二不盡  
故曰小分四百三十二

全七寸八分二毫四絲四忽七初不用  
半三寸八分四釐五毫六絲六忽八初



箋曰減於正律之長八釐六毫四絲四忽二初  
夷則爲宮太簇用變半爲變徵夾鐘爲宮太簇  
用變半爲變宮無射爲宮太簇用變半爲角仲  
呂爲宮太簇用變半爲羽故曰全不用

南呂十口萬三千五百六十三

小分四十五

箋曰太簇之實一億一千三百二十四萬六千  
二百單八三分其實得三千七百七十四萬八  
千七百三十六以爲法下生者倍其法得七千  
五百四十九萬七千四百七十二復以七百二

十九歸之得十萬三千五百六十三爲變南呂  
從十二律之實除後仍有四十五不盡故曰小  
分四十五

全五寸二分三釐一毫六絲一初六秒  
半二寸五分六釐七絲四忽五初三秒

箋曰減於正律之長五釐七毫二絲七初三秒  
姑洗十三萬八千口口八十四

小分六十

箋曰南呂之實七千五百四十九萬七千四百  
七十二三分其實得二千五百一十六萬五千

八百二十四上生者四其法得一億六十六萬  
三千二百九十六復以七百二十九歸之得十  
三萬八千八十四爲變姑洗從十二律之實際  
後仍有六十不盡故曰小分六十

全七寸一釐二毫二絲二初二秒不用

半三寸四分五釐一毫一絲一初一秒

箋曰減於正律之長七釐六毫六絲六初七秒  
無射爲宮姑洗用變半爲變徵仲呂爲宮姑洗  
用變半爲變宮故曰全不用

應鐘九萬二千口口五十六

小分四十

箋曰姑洗之實一億六十六萬三千二百九十  
六三分其實得三千三百五十五萬四千四百  
三十二以爲法下生者倍其法得六千七百一  
十萬八千八百六十四復以七百二十九歸之  
得九萬二千五十六爲變應鐘從十二律之實  
除後仍有四十不盡故曰小分四十

全四寸六分七毫四絲三忽一初四秒

餘二算

半二寸三分三毫六絲六忽六秒強不用

箋曰減於正律之長五釐一毫四絲五忽七初五秒自蕤賓宮以下惟應鐘最短不用變半故曰半不用

按十二律各自爲宮以生五聲二變其黃鐘林鐘太簇南呂姑洗應鐘六律則能具足至蕤賓大呂夷則夾鐘無射仲呂六律則取黃鐘林鐘太簇南呂姑洗應鐘六律之聲少下不和故有變律變律者其聲近正而少高於正律也然仲呂之實一十三萬一千口口七十二以三分之不盡二算旣不

可行當有以通之律當變者有六故置一而六三  
之得七百二十九以七百二十九因仲呂之實十  
三萬一千口口七十二爲九千五百五十五萬一  
千四百八十八三分益一再生黃鐘林鐘太簇南  
呂姑洗應鐘六律又以七百二十九歸之以從十  
二律之數紀其餘分以爲忽秒然後洪纖高下不  
相奪倫至應鐘之實六千七百一十口萬八千八  
百六十四以三分之又不盡一算數又不可行此  
變律之所以止於六也變律非正律故不爲宮也

箋曰黃鐘林鐘太簇南呂姑洗應鐘六律爲宮  
其下六聲皆正律不用再生之變故能具足蕤  
賓大呂夷則夾鐘無射仲呂六律爲宮則取仲  
呂以後六律以足七聲之數不復純用正律矣  
夫十二律相生之道至仲呂而窮今於仲呂以  
後之律猶以正聲相應則是相生之所不及必  
有高與下之不相和矣於是以七百二十九乘  
仲呂之實再生黃鐘林鐘太簇南呂姑洗應鐘  
六變律變律者其律較減其聲較清故曰近正

而稍高於正律也七百二十九者卽前之子一  
以三歷六位至午七百二十九也律當變者有  
六故用此數乘仲呂之實也三分仲呂之實既  
有二算不盡今用以三歷辰之數相乘則可以  
使不能三分者而三分之矣至於三分應鐘之  
實各得二千二百三十六萬九千六百二十一  
又餘二算不盡其數又不可行此變律之所以  
止於六也十二律旋相爲宮而爲調變律不爲  
調故不爲宮也



律生五聲圖第六

宮聲八十一 商聲七十二 角聲六十四 徵聲  
五十四 羽聲四十八

箋曰凡求五聲先求黃鐘之管法於冬至前爲  
密室準古尺自九寸以下至九寸以上不等截  
管十數埋於地中候其日有灰飛於管上者是  
應一陽之氣卽以此爲黃鐘之管而爲宮由是  
準作九寸以次損益相生黃鐘生林鐘林鐘生  
太簇太簇生南呂南呂生姑洗姑洗生應鐘應

鐘生蕤賓蕤賓生大呂大呂生夷則夷則生夾  
鐘夾鐘生無射無射生仲呂其間長者聲濁短  
者聲清十二律之清濁既定而五聲從此出矣  
有黃鐘一均之五聲焉黃鐘爲宮其數八十一  
三分損一下生林鐘爲徵則林鐘當五十四之  
數徵三分益一以上生太簇爲商則太簇當七  
十二之數商三分損一以下生南呂爲羽則南  
呂當四十八之數羽三分益一以上生姑洗爲  
角則姑洗當六十四之數此聲氣之元五聲之

所取定也有旋相爲宮之五聲焉十一律各自爲宮亦三分損一以下生徵徵亦三分益一以上生商商亦三分損一以下生羽羽亦三分益一以上生角而後五聲之被於十二律者於是而全也蓋置各律之實而以五聲之數準之則其爲宮徵商羽角者亦如黃鐘之一均也於是文以琴瑟詠以簫管動以金石節以鼓鼙而凡八音之五聲皆於是乎定焉八音之中凡夫絲之多金石之大且重管之長聲之宏者皆爲宮

爲商爲角其絲之少金石之小且輕管之短聲  
之細者皆爲徵爲羽而又配乎五位則宮爲君  
商爲臣角爲民徵爲事羽爲物協乎五常則宮  
爲信商爲義角爲仁徵爲禮羽爲智象乎五事  
則宮爲思商爲言角爲貌徵爲視羽爲聽其在  
五行則宮爲土商爲金角爲木徵爲火羽爲水  
蓋天地之間氣與風會而爲聲其氣至其聲亦  
隨之而至矣聖人達於其妙而截竹以候之逐  
管以吹之則其所爲五聲十二律者出矣於是

乎八風平四時順百穀昌百姓太和萬物咸若  
四靈在郊藪故致大順之氣者必歸之考律寫  
聲之聖人

按黃鐘之數九九八十一是爲五聲之本三分損  
一以下生徵徵三分益一以上生商商三分損一  
以下生羽羽三分益一以上生角至角聲之數六  
十四以三分之不盡一算數不可行此聲之數所  
以止於五也或曰此黃鐘一均五聲之數他律不  
然曰置本律之實以九九因之三分損益以爲五

聲再以本律之實約之則宮固八十一商亦七十

二角亦六十四徵亦五十四羽亦四十八矣

假令應鐘

九萬三千三百一十二以八十一乘之得七百五十五萬八千二百一十二為宮以九萬三千三百一十二約之得八十一三分宮損一得五百〇〇三萬八千八百四十八為徵以九萬三千三百一十二約之得五十四三分徵益一得六百七十一萬八千四百六十四為商以九萬三千三百一十二約之得七十二三分商損一得四百四十七萬八千九百七十六為羽以九萬三千三百一十二約之得四十八三分羽益一得五百九十七萬一千九百六十八為角以九萬三千三百一十二約之得六十四

箋曰角聲之實以三分之各得二十一餘一算

不盡其數不可行此聲之所以止於五也因乘也約除也原註舉應鐘爲例餘倣此

### 變聲第七

變宮聲四十二

六小分

變徵聲五十六

八小分

箋曰若以爲宮則不足於八十一之數是亦宮不成宮矣故爲變宮若以爲徵則又多於五十四之數是亦徵不成徵矣故爲變徵

按五聲宮與商商與角徵與羽相去各一律至角與徵羽與宮相去乃二律相去一律則音節和相

去二律則音節遠故角徵之間近徵收一聲比徵少下故謂之變徵羽宮之間近宮收一聲少高於宮故謂之變宮也角聲之實六十有四以三分之不盡一算既不可行當有以通之聲之變者二故置一而兩三之得九以九因角聲之實六十有四得五百七十六三分損益再生變徵變宮二聲以九歸之以從五聲之數存其餘數以爲強弱至變徵之數五百一十二以三分之又不足二算其數又不行此變聲所以止於二也變宮變徵宮不成



宮徵不成徵古人謂之和繆又曰所以濟五聲之不及也變聲非正故不爲調也

箋曰以五聲之大小爲次則曰宮商角徵羽以五聲之相生爲次則曰宮徵商羽角十一月黃鐘宮正月太簇商三月姑洗角六月林鐘徵八月南呂羽皆間一月而應一律故其音節和三月姑洗角六月林鐘徵八月南呂羽十一月黃鐘宮皆間兩月而應一律故其音節遠於是自角至徵近徵收一聲如林鐘六月爲徵則蕤賓

賓五月爲變徵五月在六月前一位其律較長  
其聲較濁是爲比徵少下而謂之變徵也自羽  
至宮近宮收一聲如黃鐘十一月爲宮則用應  
鐘十月爲變宮十月在十一月前一位其律特  
短其聲特清是爲比宮少高而謂之變宮也置  
一而兩三之得九謂自子一歷二位至寅九也  
聲之變者二故用此數乘角聲之實也三分角  
聲之實既有一算不盡今用寅九相乘則亦可  
以置一而九之矣以九乘角聲之實六十四得

五百七十六三分損一得三百八十四爲角聲  
下生變宮之數以九除三百八十四得四十二  
爲變宮從五聲之數除後仍有小分六不盡三  
分變宮之實而益其一得五百一十二爲變宮  
再生變徵之數以九除五百一十二得五十六  
爲變徵從五聲之數除後亦有小分八不盡小  
分謂之餘數多餘則彊少餘則弱不復如正聲  
之無奇零焉故曰存其餘數以爲彊弱至三分  
變徵之實各得一百七十餘二算不盡其數又

不可行此變聲之所以止於二也以角生變宮  
尚爲以正生變故爲比於正音而謂之和以變  
宮生變徵是爲以變生變故爲不比於正音而  
謂之繆五聲非二變不和故曰所以濟五聲之  
不及也調止於六十故曰變聲不爲調也五聲  
象天道之播五行於四時二變以象閏五聲二  
變成一均象天道之以閏月定四時成歲天道  
五歲再閏樂亦有二變聲天道閏而四時不改  
五聲變而宮徵不易故記曰明於天地然後能

興禮樂也

八十四聲圖第八

正律墨書  
變律朱書

半聲朱書  
半聲墨書

十一月黃鐘宮

六月林鐘宮黃鐘徵

正月太簇宮林鐘徵黃鐘商

八月南呂宮太簇徵林鐘商黃鐘羽

三月姑洗宮南呂徵太簇商林鐘羽黃鐘角

十月應鐘宮姑洗徵南呂商太簇羽林鐘角

五月蕤賓宮應鐘徵姑洗商南呂羽太簇角

林鐘黃鐘  
宮鐘  
變黃鐘  
徵鐘

十二月大呂宮蕤賓徵應鐘間姑洗羽南宮角

太簇林鐘

七月夷則宮大呂徵蕤賓商應鐘羽姑洗角

南呂太簇

二月夾鐘宮夷則徵大呂商蕤賓羽應鐘角

姑洗南呂

九月無射宮夾鐘徵夷則商大呂羽蕤賓角

應鐘姑洗

四月仲呂宮無射徵夾鐘商夷則羽大呂角

蕤賓應鐘

黃鐘變仲呂徵無射商夾鐘羽夷則角

大呂角

林鐘變仲呂商無射羽夾鐘角

夷則大呂

太簇變仲呂羽無射角

夾鐘大呂

南呂變仲呂角

無射夾鐘

宮變徵

姑洗變

仲呂無射  
變宮變徵

應鐘變

仲呂  
變徵

箋曰此圖所以明樂之有八十四聲也黃鐘爲  
宮以生徵生商生羽生角及變宮變徵此黃鐘  
之七聲也十一律各自爲宮亦生徵生商生羽  
生角及變宮變徵此旋宮之七聲也每律各有  
七聲十二律故有八十四聲黃鐘宮七聲黃鐘  
十一月下生六月林鐘爲徵林鐘上生正月太  
族爲商太族下生八月南呂爲羽南呂上生三

月姑洗爲角姑洗下生十月應鐘爲變宮應鐘  
上生五月蕤賓爲變徵林鐘宮七聲林鐘六月  
上生正月太簇用半爲徵太簇下生八月南呂  
爲商南呂上生三月姑洗用半爲羽姑洗下生  
十月應鐘爲角應鐘上生五月蕤賓用半爲變  
宮蕤賓上生十二月大呂用半爲變徵太簇宮  
七聲太簇正月下生八月南呂爲徵南宮上生  
三月姑洗爲商姑洗下生十月應鐘爲羽應鐘  
上生五月蕤賓爲角蕤賓上生十二月大呂用



半爲變宮大呂下生七月夷則爲變徵南呂宮  
七聲南呂八月上生三月姑洗用半爲徵姑洗  
下生十月應鐘爲商應鐘上生五月蕤賓用半  
爲羽蕤賓上生十二月大呂用半爲角大呂下  
生七月夷則用半爲變宮夷則上生二月夾鐘  
用半爲變徵姑洗宮七聲姑洗三月下生十月  
應鐘爲徵應鐘上生五月蕤賓爲商蕤賓上生  
十二月大呂用半爲羽大呂下生七月夷則爲  
角夷則上生二月夾鐘用半爲變宮夾鐘下生

九月無射爲變徵應鐘宮七聲應鐘十月上生  
五月蕤賓用半爲徵蕤賓上生十二月大呂用  
半爲商大呂下生七月夷則用半爲羽夷則上  
生二月夾鐘用半爲角夾鐘下生九月無射用  
半爲變宮無射上生四月仲呂用半爲變徵蕤  
賓宮七聲蕤賓五月上生十二月大呂用半爲  
徵大呂下生七月夷則爲商夷則上生二月夾  
鐘用半爲羽夾鐘下生九月無射爲角無射上  
生四月仲呂用半爲變宮仲呂再生黃鐘用半

爲變徵大呂宮七聲大呂十二月下生七月夷  
則爲徵夷則上生二月夾鐘爲商夾鐘下生九  
月無射爲羽無射上生四月仲呂爲角仲呂再  
生黃鐘用半爲變宮黃鐘再生林鐘爲變徵夷  
則宮七聲夷則七月上生二月夾鐘用半爲徵  
夾鐘下生九月無射爲商無射上生四月仲呂  
用半爲羽仲呂再生黃鐘用半爲角黃鐘再生  
林鐘用半爲變宮林鐘再生大簇用半爲變徵  
夾鐘宮七聲夾鐘二月下生九月無射爲徵無

射上生四月仲呂爲商仲呂再生黃鐘用半爲  
羽黃鐘再生林鐘爲角林鐘再生太簇用半爲  
變宮太簇再生南呂爲變徵無射宮七聲無射  
九月上生四月仲呂用半爲徵仲呂再生黃鐘  
用半爲商黃鐘再生林鐘用半爲羽林鐘再生  
太簇用半爲角太簇再生南呂用半爲變宮南  
呂再生姑洗用半爲變徵仲呂宮七聲仲呂四  
月再生黃鐘用半爲徵黃鐘再生林鐘爲商林  
鐘再生太簇用半爲羽太簇再生南呂爲角南

呂再生姑洗用半爲變宮姑洗再生應鐘爲變徵圖內七聲皆各以本宮識別之如黃鐘爲宮則林鐘爲徵其下卽書黃鐘徵林鐘爲宮則太簇爲徵其下卽書林鐘徵之類是也五聲宮恒下生十一律旋相爲宮則從十一月之位如林鐘爲宮上生太簇爲徵南呂爲宮上生姑洗爲徵之類是也聲者律所出之聲也後世乃譜以字合爲黃鐘四下爲大呂四上爲太簇一下爲夾鐘一上爲姑洗上爲仲呂勾爲蕤賓尺爲林

鍾工下爲夷則工上爲南呂凡下爲無射凡上  
爲應鍾六爲黃鐘清五下爲大呂清五上爲太  
簇清繁五爲夾鐘清此譜以紀燕樂卽宋志所  
載者明志以爲黃鐘一均宜用合用尺用四用  
工用一用凡用勾是雅樂之用字紀聲與燕樂  
同六者黃鐘之半聲也明志又以再生黃鐘爲  
六則黃鐘之正半變半與太簇之正半變半同  
爲六五可知矣而林鐘南呂姑洗應鍾正變之  
同爲凡工一凡亦可知矣蓋古樂散亡太常及

民間皆習此譜今若不由此譜求之則樂之五音十二律又何由而知也然後以此十六字被之八音之上其音之中某字者卽爲某律或以長短爲次或以輕重大小多寡爲次定其最長最重最大最多者以中黃鐘之律而譜黃鐘之字其下以次損益生十一律亦各因其所中之律而譜之以字蓋以黃鐘之實十七萬七千一百四十七得所中黃鐘之律若干與各律之實相乘除而各律所中之長短輕重大小多寡可

得而定矣其長短生於黃鐘之長其輕重大小  
多寡生於黃鐘之重與容故八音一十二律也  
十二律一黃鐘也至於七聲用法卽後圖之所  
謂調也黃鐘調律用黃林太南姑應蕤字用合  
用尺用四上用工上用一上用凡上用勾林鐘  
調律用林太南姑應蕤大字用尺用五上用工  
上用一上清用凡上用勾清用五下太簇調律  
用太南姑應蕤大夷字用四上用工上用一上  
用凡上用勾用五下用工下南呂調律用南姑



應蕤大夷夾字用工上用一上清用凡上用勾  
清用五下用工下清用緊五姑洗調律用姑應  
蕤大夷夾無字用一上用凡上用勾用五下用  
工下用緊五用凡上應鐘調律用應蕤大夷夾  
無仲字用凡上用勾清用五下用工下清用緊  
五用凡下清用上清蕤賓調律用蕤大夷夾無  
仲黃字用勾用五下用工下用緊五用凡下用  
上清用六大呂調律用大夷夾無仲黃林字用  
四下用工下用一下用凡下用上用六用尺夷

則調律用夷夾無仲黃林太字用工下用緊五  
用凡下用上清用六用尺清用五上夾鐘調律  
用夾無仲黃林太南字用一下用凡下用上用  
六用尺用五上用工上無射調律用無仲黃林  
太南姑字用凡下用上清用六用尺清用五上  
用工上清用一上清仲呂調律用仲黃林太南  
姑應字用上用六用尺用五上用工上上一上  
清用凡上十二律正變既各有清聲則凡宮輕  
而商角徵羽重者自當以清聲應之宋王堯臣

鐘論曰自夷則至應鐘四律爲均之時若盡用  
正聲則宮輕而商角重是謂陵替蓋夷則爲宮  
則黃鐘爲角南呂爲宮則大呂爲角無射爲宮  
則黃鐘爲商太簇爲角應鐘爲宮則大呂爲商  
夾鐘爲角黃鐘大呂太簇夾鐘正律俱長並當  
用清聲此四清鐘可用之驗也若他律爲宮則  
不當以清聲間之大意以爲七聲之中惟君臣  
民不可相陵犯事物則不必避黃鐘林鐘太簇  
姑洗蕤賓大呂夾鐘仲呂八律爲均其商角無

有越於宮者宮清而四律居商角之位惟夷則以下四均則然是則他宮無半聲四宮四律苟非當商角之位亦無半聲此其說又與本書之圖有不合矣至於樂章舊以字之四聲分配七音平入配重濁之律上去配輕清之律每歌一言則絃一撥鐘一擊竽笙簫管一吹然愚以謂律之五音宮商角徵羽也字之五部喉嘑舌齒唇也律有十二而一律各具五音字有五部而一部亦各具五音蓋卽一韻之中而又有喉嘑

舌齒脣之分焉喉音深當配宮嚆次喉當配商  
舌音中當配角齒音淺當配徵脣最淺當配羽  
亦五音以類相從之理也

按律呂之數往而不返故黃鐘不復爲他律役所

用七聲皆正律無空積忽微自林鐘而下則有半

聲

大呂太簇一半聲夾鐘姑洗二半聲蕤賓林鐘  
四半聲夷則南宮五半聲無射應鐘六半聲仲

呂爲十二律  
之第三半聲

自蕤賓而下則有變律

蕤賓一變律  
大呂二變律

夷則三變律夾鐘四變律  
無射五變律仲呂六變律

皆有空積忽微不得其

正故黃鐘獨爲聲氣之元雖十二律八十四聲皆

黃鐘所生然黃鐘一均所謂純粹中之純粹者也  
八十四聲正律六十三變律二十一六十三者九  
七之數也二十一者三七之數也

箋曰律呂皆由長而漸短至於應鐘極短不復  
由短返長而再生黃鐘之正律蓋以黃鐘至尊  
非他律之所能役也故其一均之內七聲皆正  
無半變變半之聲無小分不齊之數乃五聲二  
變所從出十二律八十四聲所由生所謂黃鐘  
一均純粹中之純粹者也宮小而下六聲反大

於宮則減下以從上謂如林鐘爲宮全六寸則太簇用四寸以爲商姑洗用三寸五分以爲羽蕤賓用三寸一分四釐以爲變宮大呂用四寸一分八釐三毫以爲變徵太簇爲宮全八寸則大呂用四寸一分八釐三毫以爲變宮之類故曰自林鐘而下則有半聲仲呂再生黃鐘林鐘太簇南呂姑洗應鐘六變律以足蕤賓大呂夷則夾鐘無射仲呂六宮七聲之數謂如蕤賓爲宮以再生黃鐘爲變徵大呂爲宮以再生黃鐘

爲變宮之類故曰自蕤賓而下則有變律半者  
分全而爲半變者減全而爲變取其全者而破  
之則必有不足於全者之空積矣故曰皆有空  
積忽微不得其正一均七聲以七因九因三故  
曰正律六十三九七之數變律二十一三七之  
數

六十調圖第九

以周禮淮南子禮記  
鄭氏註孔氏正義定

宮 商 角 變 徵 徵 羽 變 宮

黃鐘宮黃

正太 正姑 正蕤 正林 正南 正應 正



姑洗羽姑	蕤賓徵蕤	南呂角南	應鐘商應	大呂宮大	夾鐘羽夾	仲呂徵仲	夷則角夷	無射商無
正	正	正	正	正	正	正	正	正
蕤	夷	應	大	夾	仲	林	無	黃
正	正	正	半	正	正	變	正	半變
夷	無	大	夾	仲	林	南	黃	太
正	正	半	半	正	變	變	半變	半變
無	黃	夾	仲	林	南	應	太	姑
正	半變	半	半	變	變	變	半變	半變
應	大	姑	蕤	夷	無	黃	夾	仲
正	半	半	半	正	正	半變	半	半
大	夾	蕤	夷	無	黃	太	仲	林
半	半	半	半	正	半變	半變	半	半變
夾	仲	夷	無	黃	太	姑	林	南
半	半	半	半	半變	半變	半變	半變	半變

太簇宮太

正姑

正蕤

正夷

正南

正應

正大

半

黃鐘商黃

正太

正姑

正蕤

正林

正南

正應

正

無射角無

正黃

半變太

半變姑

半變仲

半林

半變南

半變

林鐘徵林

正南

正應

正大

半太

半姑

半蕤

半

仲呂羽仲

正林

變南

變應

變黃

半變太

半變姑

半變

夾鐘宮夾

正仲

正林

變南

變無

正黃

半變太

半變

大呂商大

正夾

正仲

正林

變夷

正無

正黃

半變

應鐘角應

正大

半夾

半仲

半蕤

半夷

半無

半

夷則徵夷

正無

正黃

半變太

半變夾

半仲

半林

半變

大呂角大	夾鐘商夾	仲呂宮仲	林鐘羽林	南呂徵南	黃鐘角黃	太簇商太	姑洗宮姑	蕤賓羽蕤
正	正	正	正	正	正	正	正	正
夾	仲	林	南	應	太	姑	蕤	夷
正	正	變	正	正	正	正	正	正
仲	林	南	應	大	姑	蕤	夷	無
正	變	變	正	半	正	正	正	正
林	南	應	大	夾	蕤	夷	無	黃
變	變	變	半	半	正	正	正	半變
夷	無	蕤	太	姑	林	南	應	大
正	正	半變	半	半	正	正	正	半
無	黃	太	姑	蕤	南	應	大	夾
正	半變	半變	半	半	正	正	半	半
黃	太	姑	蕤	夷	應	大	夾	仲
半變	半變	半變	半	半	正	半	半	半

無射徵無

正

**黃**

半變

**太**

半變

**姑**

半變

仲

半

**林**

半變

**南**

半變

夷則羽夷

正

無

正

**黃**

半變

**太**

半變

夾

半

仲

半

**林**

半變

蕤賓宮蕤

正

夷

正

無

正

**黃**

半變

大

半

夾

半

仲

半

姑洗商姑

正

蕤

正

夷

正

無

正

應

正

大

半

夾

半

太簇角太

正

姑

正

蕤

正

夷

正

南

正

應

正

大

半

應鐘徵應

正

大

半

夾

半

仲

半

蕤

半

夷

半

無

半

南呂羽南

正

應

正

大

半

夾

半

姑

半

蕤

半

夷

半

林鐘宮林

正

南

正

應

正

大

半

太

半

姑

半

蕤

半

仲呂商仲

正

**林**

正

**南**

正

應

半變

**黃**

半變

**太**

半變

**姑**

半變

火鐘角火	正	仲	正	林	變	南	變	無	正	黃	變	太	變
黃鐘徵黃	正	太	正	姑	正	蕤	正	林	正	南	正	應	正
無射羽無	正	黃	半變	太	半變	姑	半變	仲	半	林	半變	南	半變
夷則宮夷	正	無	正	黃	半變	太	半變	夾	半	仲	半	林	半變
蕤賓商蕤	正	夷	正	無	正	黃	半變	大	半	夾	半	仲	半
姑洗角姑	正	蕤	正	夷	正	無	正	應	正	大	半	夾	半
大呂徵大	正	夾	正	仲	正	林	變	夷	正	無	正	黃	變
應鐘羽應	正	大	半	夾	半	仲	半	蕤	半	夷	半	無	半
南呂宮南	正	應	正	大	半	夾	半	姑	半	蕤	半	夷	半

律呂所寄旋處

卷三

林鐘商林

正

南

正

應

正

大

半

太

半

姑

半

蕤

半

仲呂角仲

正

林

變

南

變

應

變

蕤

半

太

半

姑

半

太簇徵太

正

姑

正

蕤

正

夷

正

南

正

應

正

大

半

黃鐘羽黃

正

太

正

姑

正

蕤

正

林

正

南

正

應

正

無射宮無

正

黃

半

變

太

半

變

姑

半

變

仲

半

夷則商夷

正

無

正

黃

半

變

太

半

變

夷

半

變

蕤賓角蕤

正

夷

正

無

正

黃

半

變

大

半

夷

半

夾鐘徵夾

正

仲

正

林

變

南

變

無

正

黃

半

變

大呂羽大

正

夾

正

仲

正

林

變

夷

正

無

正

黃

半

變

應鐘宮應 正大 夾 仲 蕤 夷 無

南呂商南 正應 正大 夾 姑 蕤 夷

林鐘角林 正南 正應 正大 太 姑 蕤

姑洗徵姑 正蕤 正夷 正無 正應 正大 夾

太簇羽太 正姑 正蕤 正夷 正南 正應 正大

箋曰此圖所以明樂之有六十調也六十調即

旋宮之法也黃鐘爲宮以生徵生商生羽生角

及變宮變徵此黃鐘之調也十一律各自爲宮

亦生徵生商生羽生角及變宮變徵此旋宮之

調也一律各有五音一音各爲一調迭而衍之  
以成六十調變宮變徵不比於正音不可爲調  
故調止於六十黃鐘五調黃鐘位宮爲黃鐘宮  
調黃鐘位商爲無射商調黃鐘位角爲夷則角  
調黃鐘位徵爲仲呂徵調黃鐘位羽爲夾鐘羽  
調五調首尾皆作黃鐘聲也大呂五調大呂位  
宮爲大呂宮調大呂位商爲應鐘商調大呂位  
角爲南呂角調大呂位徵爲蕤賓徵調大呂位  
羽爲姑洗羽調五調首尾皆作大呂聲也太簇



五調太簇位宮爲太簇宮調大簇位商爲黃鐘  
商調太簇位角爲無射角調大簇位徵爲林鐘  
徵調太簇位羽爲仲呂羽調五調首尾皆作太  
簇聲也夾鐘五調夾鐘位宮爲夾鐘宮調夾鐘  
位商爲大呂商調夾鐘位角爲應鐘角調夾鐘  
位徵爲夷則徵調夾鐘位羽爲蕤賓羽調五調  
首尾皆作夾鐘聲也姑洗五調姑洗位宮爲姑  
洗宮調姑洗位商爲太簇商調姑洗位角爲黃  
鐘角調姑洗位徵爲南呂徵調姑洗位羽爲林

鐘羽調五調首尾皆作姑洗聲也仲呂五調仲  
呂位宮爲仲呂宮調仲呂位商爲夾鐘商調仲  
呂位角爲大呂角調仲呂位徵爲無射徵調仲  
呂位羽爲夷則羽調五調首尾皆作仲呂聲也  
蕤賓五調蕤賓位宮爲蕤賓宮調蕤賓位商爲  
姑洗商調蕤賓位角爲太簇角調蕤賓位徵爲  
應鐘徵調蕤賓位羽爲南呂羽調五調首尾皆  
作蕤賓聲也林鐘五調林鐘位宮爲林鐘宮調  
林鐘位商爲仲呂商調林鐘位角爲夾鐘角調

林鐘位徵爲黃鐘徵調林鐘位羽爲無射羽調  
五調首尾皆作林鐘聲也夷則五調夷則位宮  
爲夷則宮調夷則位商爲蕤賓商調夷則位角  
爲姑洗角調夷則位徵爲大呂徵調夷則位羽  
爲應鐘羽調五調首尾皆作夷則聲也南呂五  
調南呂位宮爲南呂宮調南呂位商爲林鐘商  
調南呂位角爲仲呂角調南呂位徵爲太簇徵  
調南呂位羽爲黃鐘羽調五調首尾皆作南呂  
聲也無射五調無射位宮爲無射宮調無射位

商爲夷則商調無射位角爲蕤賓角調無射位  
徵爲夾鐘徵調無射位羽爲大呂羽調五調首  
尾皆作無射聲也應鐘五調應鐘位宮爲應鐘  
宮調應鐘位商爲南呂商調應鐘位角爲林鐘  
角調應鐘位徵爲姑洗徵調應鐘位羽爲太簇  
羽調五調首尾皆作應鐘聲也首尾之外中間  
雜用本調七律其重首尾一聲者所以別於諸  
調而爲本宮之五調也嘗考儀禮經傳通解所  
引古詩樂譜其爲黃鐘清宮無射清商者皆以

黃鐘起調黃鐘畢曲朱子云大凡壓入音律只以章首章尾二字如葛覃葛字合作黃鐘調結尾亦著作黃鐘聲應之關雎關字合作無射調結尾亦著作無射聲應之其云以字合調者卽今字有五音之法也字之配律古今不同或以部分或以母別故卽朱子當時所叶者後世亦不能盡合而其起調畢曲之說則固無以易矣然調雖有六十而每五調所用商角徵羽之聲卽每律各自爲宮以相生之聲是其實止十二

調而已十二調衍而爲六十調六十調合而成  
四百二十聲舊以一音旋轉相用則惟黃鐘一  
調爲得其正大呂以下便是遷就昔者蔡邕倣  
古旋宮之義作十二笛今宜推廣邕法定其長  
短輕重大小多寡凡音皆各具十二律一律各  
爲一均每用一調則從其律黃鐘調用黃鐘音  
大呂調用大呂音其餘諸調莫不皆然庶幾以  
音協律以律協調十二調於是而不亂六十調  
亦於是而可施矣今民間俗樂亦有調法如用

六字調是古清黃鐘調一字調是古姑洗調上  
字調是古仲呂調尺字調是古林鐘調然或名  
爲六字調而雜用正黃鐘調字名爲一字調而  
雜用林鐘調字名爲上字調而雜用太簇調字  
名爲尺字調而雜用應鐘調字是不惟不知有  
六十調實并不知有十二調不惟不知有十二  
調且并不知有十二律之正聲矣故苟欲復先  
王之古樂誠非因聲以正其調不可

按十二律旋相爲宮各有七聲合八十四聲宮聲

十二商聲十二角聲十二徵聲十二羽聲十二凡  
六十聲爲六十調其變宮十二在羽聲之後宮聲  
之前變徵十二在角聲之後徵聲之前宮不成宮  
徵不成徵凡二十四聲不可爲調黃鐘宮至夾鐘  
羽並用黃鐘起調黃鐘畢曲大呂宮至姑洗羽並  
用大呂起調大呂畢曲太簇宮至仲呂羽並用太  
簇起調太簇畢曲夾鐘宮至蕤賓羽並用夾鐘起  
調夾鐘畢曲姑洗宮至林鐘羽並用姑洗起調姑  
洗畢曲仲呂宮至夷則羽並用仲呂起調仲呂畢



曲蕤賓宮至南呂羽並用蕤賓起調蕤賓畢曲林  
鐘宮至無射羽並用林鐘起調林鐘畢曲夷則宮  
至應鐘羽並用夷則起調夷則畢曲南呂宮至黃  
鐘羽並用南呂起調南呂畢曲無射宮至大呂羽  
並用無射起調無射畢曲應鐘宮至太簇羽並用  
應鐘起調應鐘畢曲是爲六十調六十調卽十二  
律也十二律卽一黃鐘也黃鐘生十二律十二律  
生五聲二變五聲各爲綱紀以成六十調六十調  
皆黃鐘損益之變也宮商角三十六調老陽也其

徵羽二十四調老陰也調成而陰陽備也或曰日辰之數由天五地六錯綜而生律呂之數由黃鐘九寸損益而生二者不同至數之成則日有六甲辰有五子爲六十日律呂有六律五聲爲六十調若合符節何也曰卽上文之所謂調成而陰陽備也夫理必有對待數之自然也以天五地六合陰與陽言之則六甲五子究於六十其三十六爲陽二十四爲陰以黃鐘九寸紀陽不紀陰言之則六律五聲究於六十亦三十六爲陽二十四爲陰蓋

一陽之中又自有陰陽也非知天地之化育者不能與於此

箋曰宮商角其律長長者聲舒屬陽一律各有  
宮商角三調十二律共三十六調是爲合於三  
十六策之數而爲老陽徵羽其律短短者聲殺  
屬陰一律各有徵羽二調十二律共二十四調  
是爲合於二十四策之數而爲老陰天數一三五  
七九而五爲中地數二四六八十而六爲中  
以地之中數配天干則日有六甲以天之中數

配地支則辰有五子六甲五子相循始甲子終  
癸亥而六十日周矣其間甲子丙子戊子陽日  
各有十二合之得三十六爲陽庚子壬子陰日  
亦各有十二合之得二十四爲陰以律呂言之  
黃鐘以九寸相生而不能有復生黃鐘者律之  
所以紀陽不紀陰也及其由旋宮而爲十二調  
因十二而爲六十則天地有三十六陽日律亦  
有三十六陽調天地有二十四陰日律亦有二  
十四陰調蓋紀陽不紀陰者以律之上下相生

而言也而有陽自有陰者由樂之始終條理而見也陽調三十六而調之宮商角三聲則陽中之陽也其徵羽二聲則陽中之陰也陰調二十四而調之宮商角三聲則陰中之陽也其徵羽二聲則陰中之陰也洵非知天地之化育者不能與於此已

### 候氣第十

候氣之法爲室三重戶閉塗墾必周密布緹縵室中以木爲桮每律各一桮內卑外高從其方位加律其

上以葭灰實其端覆以緹素按歷而候之氣至則吹

灰動素小動爲和氣大動爲君弱臣強專政之應不

動爲君嚴猛之應其升降之數在冬至則黃鐘九寸

升五分一釐三毫大寒則大呂八寸三分七釐六毫升三分七釐六毫

毫雨水則太簇八寸升四分五釐一毫六絲春分則夾鐘七寸

四分三釐七毫三絲升三分三釐七毫三絲穀雨則姑洗七寸

一分升四分口口五毫四絲三忽小滿則仲呂六寸五分八釐三

毫四絲六忽升三分口口三毫四絲六忽夏至則蕤賓六寸二分

八釐升二分八釐大暑則林鐘六寸升三分三釐四毫處暑則夷

則五寸五分五釐五毫

升二分五釐五毫

秋分則南呂五寸

三分

升三分口口四毫一絲

霜降則無射四寸八分八釐四毫

八絲

升二分二釐四毫八絲

小雪則應鐘四寸六分六釐

箋曰爲室三重取深闕也戶閉塗墾必周不令

有隙也緹縵今薄紗屬言於室中又密布緹縵

以幃之也按凡屬每律各一按言一律各以一

按承之也管之入地處卑故曰內卑出地處高

故曰外高從其方位加律其上言就地運圓作

規以定南北東西十二月之位然後依位以律

理之也如黃鐘之管埋於子位其大呂之管卽當埋於丑位之類此篇稱引蔡邕月令章句不明言室中埋律然按月令疏云十二律各當其辰斜埋地下亦可以知律之必埋於地中無疑矣所以必斜埋者蓋每律之下旣藉以按則必斜埋而後其下端乃能與地氣相通耳葭蘆葦也言以蘆葦之灰實於其律之下端也蘆葦受水露之氣爲多燒之作灰故其質易揚而能隨氣上升也覆以緹素言以薄紗蒙於律口之上



端也氣至則吹灰動素謂如冬至氣至則黃鐘  
之管其灰先動也灰半出爲小動全出爲大動  
不出爲不動小動有優游平中之象故爲和氣  
大動有下欲犯上之象故爲君弱臣強專政之  
應不動有無侶之象故爲君嚴猛之應自冬至  
至夏至日北過四十七度每三十日而氣一變  
自夏至至冬至日南過四十七度亦每三十日  
而氣一變地在天中爲天之所包爲日之所照  
其氣必有與之相應者故於日星寒暑霜露之

變而見天之氣之易於上焉於律呂升降多寡之差而見地之氣之動於下焉此聖人所爲因氣以定律又因律以驗氣之意也冬至子月中氣黃鐘應之其長較大呂升五分一釐三毫大寒丑月中氣大呂應之其長較大蕤升三分七釐六毫雨水寅月中氣太蕤應之其長較夾鐘升四分五釐一毫六絲春分卯月中氣夾鐘應之其長較姑洗升三分三釐七毫三絲穀雨辰月中氣姑洗應之其長較仲呂升四分五毫四

絲三忽小滿巳月中氣仲呂應之其長較蕤賓  
升三分三毫四絲六忽夏至午月中氣蕤賓應  
之其長較林鐘升二分八釐大暑未月中氣林  
鐘應之其長較夷則升三分三釐四毫處暑申  
月中氣夷則應之其長較南呂升二分五釐五  
毫秋分酉月中氣南呂應之其長較無射升三  
分四毫一絲霜降戌月中氣無射應之其長較  
應鐘升二分二釐四毫八絲小雪亥月中氣應  
鐘應之其升降之數窮矣窮則又將始剝在復

上應鐘後黃鐘此律之所以通乎易歟

按陽生於復陰生於姤如環無端今律呂之數三分損益終不復始何也曰陽之升始於子午雖陰生而陽之升於上者未已至亥而後窮上反下陰之升始於午子雖陽生而陰之升於上者亦未已至巳而後窮上反下律於陰則不書故終不復始也是以升陽之數自子至巳差彊在律爲尤彊在呂爲少弱自午至亥漸弱在律爲尤弱在呂爲差彊分數多寡雖若不一其絲分毫別各有條理

此氣之所以飛灰聲之所以中律也或曰易以道  
陰陽而律不書陰何也曰易者盡天下之變善與  
惡無不備也律者致中和之用止於至善者也以  
聲言之大而至於雷霆細而至於蟻蠓無非聲也  
易則無不備也律則寫其所謂黃鐘一聲而已矣  
雖有十二律六十調然實一黃鐘也是理也在聲  
爲中聲在氣爲中氣在人則喜怒哀樂未發與發  
而中節也此聖人所以一天人贊化育之道也

箋曰午月一陰五陽未月二陰四陽申月三陰

三陽酉月四陰二陽戌月五陰一陽至亥月則陽盡而純陰用事矣故曰午雖陰生而陽之升於上者未已至亥而後窮上反下子月一陽五陰丑月二陽四陰寅月三陽三陰卯月四陽二陰辰月五陽一陰至巳則陰盡而純陽用事矣故曰子雖陽生而陰之升於上者未已至巳而後窮上反下物不可以久剝故受之以復所以明天地之不可一日無陽也律極長於陽之生而極短於陽之盡所以象天地之以陽用事也

故曰律於陰則不書故終不復始當其自子至巳則升數差彊而律較呂爲尤彊律之所以應乎陽也當其自午至亥則升數差弱而律較呂爲尤弱呂之所以應乎陰也故曰其絲分毫別各有條理易則姤復相循如環無端者蓋以易之爲書廣大悉備有變通剛柔之道焉有吉凶悔吝之占焉所謂盡天下之變善與惡無不備也律則終不復始於陰不書者蓋以律之爲用所以宣和主陽不主陰律主舒不主慘所謂

致中和之用止於至善者也易當萬物之數故  
大而雷霆小而蠓蟻凡有聲者皆備也律則不  
然始於黃鐘之所生者而聲生終於黃鐘之所  
不能生者而聲止故第寫其所爲黃鐘一聲而  
已在天地則本有是中聲中氣而律宣之在人  
情則不外於喜怒哀樂而律肖之律也者誠中  
和之德無不備天地人之道無不協故至於神  
祇格而鳥獸馴洵非聖人不能作已

審度第十一



度者分寸尺丈引所以度長短也生於黃鐘之長以

子穀秬黍中者九十枚度之一爲一分

凡黍實於管中則十三黍

分黍之一而滿一分積九十分則千有二百黍矣故此九十黍之數與下章千二百黍之數其實一也

十分爲寸十寸爲尺十尺爲丈十丈爲引數始於一終於十者天地之全數也律未成之前有是數而未見律成而後數始得以形焉度之成在律之後度之數在律之前故律之長短圍徑以度之寸分之數而定焉

箋曰前篇言律呂之數故約九十黍之長而以

爲八十一也此篇言律度之數故卽九十黍之  
長而以爲九十分也子穀秬黍中者言用不大  
不小之黍也蓋古者黃鐘之管適合九十黍之  
長故卽以爲黃鐘長九十黍而又九十分之則  
以一黍爲一分以定尺也十分爲寸寸累十黍  
十寸爲尺尺累百黍十尺爲丈丈累千黍十丈  
爲引引累萬黍自河圖紀天地之數而自一至  
十之數以今故曰律未成之前有是數而未見  
自聖人造律均其長得九寸審其圓得九分積

其實得八百一十分故曰律成而後數始形焉  
有是律而後度之寸尺丈引於是乎生故曰度  
之成在律之後有是數而後律之長短圍徑可  
得而紀故曰度之數在律之前

### 嘉量第十二

量者龠合升斗斛所以量多少也生於黃鐘之容以  
子穀秬黍中者一千二百實其龠以井水準其槩以  
度數審其容一龠積八百分合龠爲合兩龠也積一千  
合爲升二十龠也積一萬六千二百分十升爲斗百合二百龠也積十六萬二千分

十斗爲斛

二千侖千合百升也  
積一百六十二萬分

箋曰黃鐘長一黍內容十三黍又三分黍之一  
則長九十黍其容千有二百黍矣侖竹管也言  
以黃鐘所容之千有二百黍實於此管之內爲  
一侖也槩所以平量者水準之令極平也以度  
數審其容謂又以法求其所積之合於八百一  
十分也兩侖爲合合容二千四百黍十合爲升  
升容二萬四千黍十升爲斗斗容二十四萬黍  
十斗爲斛斛容二百四十萬黍

謹權衡第十三

權衡者銖兩斤鈞石所以權輕重也生於黃鐘之重

以子穀秬黍中者一千二百實其龠百黍一銖一龠

十二銖二十四銖爲一兩

兩龠也

十六兩爲斤

三十二龠三百

八十四銖也

三十斤爲鈞

九百六十龠一萬一千五百

四鈞

爲石

三千八百四十龠四萬六千

八十銖一萬九千二百兩也  
箋曰黃鐘容千二百黍一龠亦容千二百黍則

龠內黍之重數卽黃鐘之重數也百黍十二分

龠之一也十二銖一龠之重也二十四銖爲兩

兩重二千四百黍十六兩爲斤斤重三萬八千四百黍三十斤爲鈞鈞重一百一十五萬二千黍四鈞爲石石重四百六十萬八千黍古者黃鐘本於氣之先應氣應而後約之以黍長九十黍空圜九分容千二百黍重十二銖所以爲律在是所以起度量權衡者亦在是矣後世圍徑既差又黍有長短小大圓委不同其所定之黃鐘大則其度量權衡亦大所定之黃鐘小則其度量權衡亦小後世律度量衡與古不合未必

不由累黍及圍徑之差也